

Mei 10, 2021

www.awemainta.com

www.facebook.com/awemainta

noticia@awemainta.com

583-1400



AWEMainta

PROYECTO BOARDWALK MALMOK FASE 1 Y 2 TA CLA!


Un promesa haci y cumpli

Minister di Turismo sr. Dangui Oduber ta anuncia cu e bunita proyecto di Boardwalk Malmok a finalisa. E proyecto aki a cuminsa na februari di aña 2019 y a wordo ehecuta den 2 fase cu a wordo financia pa TPEF. E proyecto aki sigur tabata uno necesario pa trece un "upgrading" den e area di "high rise".

Boardwalk Malmok ta un proyecto cu prome cu eleccion di 2017, Minister Oduber a priminti comunidad di lo bay construi esaki. P'asina esnan cu ta haci ehercicio tin un area bunita y sigur pa nan train y alabes e ta cuadra cu vision di Gobierno pa stimula comunidad pa haci movecion.

E boardwalk Malmok ta di e crusada pa bay Arashi te cu e area di Fisherman Hut. E prome fase di e proyecto a consisti di 240 meter di "hard hout" y a haci uzo di klinkers tambe. A pone palonan cu reflectors cu ta separa trafico di peatonnan pa trece e seguridad necesario y a crea areanan di parkeo.

Durante e ultimo fase aki a construi den e area di peaton, un vloer di concreet sigui pa un vloer di klinker cu kolomnan, a pone mas iluminacion y a construi un boardwalk na altura di e Fisherman Hut. Tambe n'e draaikom na altura di Fisherman Hut a construi un plateau di trafico cu lo conecta cu e caminda di Malmok. Esaki ta un proyecto cu a wordo presenta den campaña di aña 2013 y awot esaki a keda cristalisa. Semper un politico mester bisa loke e ta bai haci y haci loke e ta bisa.



**INVEST
SECURE**




We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



Market Leader of Business Software in the Caribbean

= exact

Solutions for:

- Finance
- Wholesale Distribution
- Professional Services
- HRM, CRM and BPM

VCC
International NV

*Supports All Your
Business Activities & Processes!*

Tel. 583-7072 | info@vcc-int.com | www.vcc-int.com

Lider di MEP kier otro coalicion 'more of the same' y no lo traha cu partido AVP

Kier otro coalicion cu e por manipula

DESPUES di a entrega e lista di 29 candidato di su partido MEP, e lider Evelyn Wever Croes a mostra con cla cu su partido lo traha cu tur otro partido cu excepcion cu partido AVP. Motibo di esaki segun Evelyn, ta cu su partido no ta traha cu ta pone hende riba lista cu ta wordo investiga pa corrupcion ya cu su partido ta para pa integridad.

Un declaracion cu tabata sumamente delicado, ya cu e prome impresion cu e lider di MEP ta duna, ta cu si ta pa su partido of su persona, nan sigui goberna c'un otro coalicion p'asina sigui cu mesun sistema, mesun tactica cu cual el a goberna ultimo tres aña y mey cu otro dos partner, cu tabata POR y RED.

En realidad e declaracion di Evelyn, lider di MEP tabata masha controversial mes, sigur despues cu den oranan di mainta, e lider di partido RED, Ricardo Croes, a declara na bos halto na medionan di comunicacion, acusando su ex partner di MEP, di ta un partido corrupto.

Un serie di acusacion e lider di RED a lansa den direccion di Evelyn, kende solamente a smile ora cu el a haya pregunta riba esaki, bisando cu Ricardo no a bise nada y tur dia nan tin contacto, loke no ta cuadra cu berdad.

E lider di MEP ta mesun Prome Minister, lider di Gabinete Wever Croes, cu a manda para un reunion den cual tabata trata un mocion di desconfiansa contra di Minister Marisol Lopez Tromp, ora cu e ultimo aki a informa Parlamento di maniobranan corrupto cu a tuma lugar den otorgamento di tereno y otro manehonan pa loke ta Serlimar, hasta confirmando cu tin mas Minister di Gabinete di Evelyn cu tambe a haci cosnan incorrecto.

Ta mesun Evelyn aki a sinta papia cu Marisol pa lubida tur cos, pa despues bay Gobernador pa mostra cu su Gabinete y tambe fraccionnan cu ta sostene su Gabinete den Parlamento, no por a traha mas cu Marisol Lopez Tromp.

Desde cu Evelyn a keda encarga cu parti di e cartera di Marisol, pueblo no a tende nada mas di ningun investigacion, e lider di MEP no a saca esnan cu Marisol a mostra cu nan ta meti den actonan di corrupcion, pero awor kier mostra Santa Evelina cu nunca a haci algo robes.

Tin cantidad di indicacionnan di decisionnan tuma pa su Gobierno, faboreciendo e bufete di abogado di su tata beneficiando e bufete aki caminda su persona tabata forma parti di dje tambe.

Ta mesun lider di MEP tin varios candidato riba su lista cu tabata involvi cu husticia, pa diferente tipo di acusacionnan, pero aparentemente ora cu nan subi lista di MEP, nan ta wordo excenora di tur loke nan a haci malo.

A ser muestra cu e lider di MEP ora cu asunto di refineria cu ta cay bou di su responsabilidad, un famia di dje, kende a wordo haya culpabel di falsificacion di paspoort, a haya trabou na RDA, mientras cu ta mesun ex Director di RDA cu raport forensico ta muestra di a hiba un maneho demasiado cash friendly, ta ruman di e Secretaria di Evelyn, mientras cu ruman di e ex Presidente ta riba lista di MEP.

Ricardo Croes desde cu Gobierno a cay a bin ta acusando su ex partner MEP di ta corrupto, di a duna famia y amigonan trabou na cantidad, di no a cumpli cu palabracionnan acorda den e acuerdo di gobernacion, pa no bisa directamente cu MEP tabata un partner falso.

Diabierna lider di MEP a confirma cu e no ta sinta cu AVP, pero ta prefera y ta desea di lo por forma un coalicion cu cu-alkier partido cu lo saca asiento p'asina e por sigui cu "much of the same" caminda e por haci y deshaci con cu e ta haya ta bon y e lo por manda Gobierno cas ora cu e ta haya ta bon.

Lista di POR ta refleho di loke **'MEDUSA MEP'** a transforma su ex partner aden

DEN storianan di Grecia di antes, tin un mitologia di un muher col-ebra, kende tabata mitar colebra y mitar muher y su cabey tabata colma di colebranan chikito.


Segun e cuentonan Griego, Medusa tabata mata tur cu e topa riba su caminda ora cu e wak e hende directo den su wowo, transformando e hende mesora dun un estatua di piedra.

Diabierno ultimo durante entrega-mento di lista, e mito aki a bin den memoria di hopi hende, sigur ora cu a mira cu si pa eleccion 2017, POR a presenta un lista cu 29 candidato, diabierna e lista tabata di 16 candidato di cual practicamente poco a aparece riba e lista di ultimo eleccion.

E golpi politico aplica p'e lider di partido MEP, Evelyn Wever Croes, tabata devastador, ya cu di e prome 10 candidatonan cu tabata riba lista di 2017, t'e lider Alan Howell y A. Vrolijk so a keda di e grupo aki.

No ta por nada por a scucha pa algun tempo caba cu partido MEP a caba cu partido POR, pa colmo hasta a converti e ex lider y fundador di partido POR, Otmar Oduber, kende segun informacion, ta coriendo campaña pa Dangui Oduber y Evelyn Wever Croes di partido MEP.

Pues Howell no tin sosten di e fundador y prome lider di POR y ta mostra cu e no tin esaki tampoco di su ex coleganan di partido manera Andin Bikker como Dellanira Maduro, caminda e dos ultimonan aki tambe a duna conseho di voto pa partido MEP.



Partido MEP y su lider Evelyn Wever Croes, a dal partido POR un golpi mortal caminda a baha Gobierno pa motibo di un investigacion contra di e actual lider Howell, pero di otro banda ta acepta sosten den campaña di e fundador y ex lider di POR supuestamente, kende tambe ta den un investigacion.

E sla cu lider di MEP a propina su ex aliado POR por ser considera igual n'e storianan di Medusa, ya cu el a destrui e partido por completo, caminda entre otro Andin Bikker no a haya lugar riba lista di MEP y mesun cos Dellanira Maduro, mientras cu Marisol Lopez Tromp por di aña pasa a wordo sacrifica pa motibo di a denuncia actonan corruptivo den Gabinete Wever Croes.

Den cierto forma e lider di MEP lo por ta pensando cu e lo por haya e votonan di esnan cu no ta riba ningun lista p'e eleccion di 25 di juni, ya cu Otmar Oduber tabatin 1808 ultimo eleccion, Andin Bikker a logra 1086 voto personal,

drs. Marisol Lopez Tromp a logra 497, pero e lo keda cu esakinan ya cu e ta lidera e lista di MAS, Joselin Croes a haya 238 y no ta riba ningun lista, mientras cu Dellanira Maduro a logra 160 voto na 2017 y a mostra su sosten pa partido MEP.

For di lista aki tin 3292 voto colgando y ta loke kisas Evelyn Wever Croes lo kier ranca pa su partido ya cu Alan Howell cu tabatin 461 voto na 2017, ta lidera e partido blauw/cora.

Kitando e total di e grupo ariba menciona cu POR a logra haya na voto dor di nan na 2017, caminda en total POR a haya 5531 voto, a resta 1281 voto di e otro candidatonan cu no ta bay mas y ta riba esaki Medusa MEP lo ta confiando di lo gana.

Alan Howell a presenta un lista totalmente cambia, cu hopi cara nobo y ta para dilanti di un tarea hopi duro y hopi dificil pa eleccion 2021.

Ocho partido ta inicia proceso awe pa haya sosten pa participa den eleccion



DESPUES cu diabierna ultimo un total di 12 partido politico a entrega lista di candidato na Censo, awe ta inicia cu e proceso di busca firma di sosten pa por participa den e proceso electoral di otro luna 25 di juni.

Segun Ordenansa Electoral articulo 17, partidonan politico cu no tabatin asiento den Parlamento, mester busca un sosten di 587 forma di votadornan, cu ta un porciento di votonan valido di e eleccion anterior p'asina por wordo permiti pa participa den e eleccion di otro luna.

E periodo di recoleccion di firma lo tin un duracion di shete dia di trabou, cu ta inicia awe dialuna 10 di mei for di 10'or di mainta te cu 8.30 di anochi y lo termina diamars

18 di mei pa 8.30 di anochi.

E centronan caminda hendenan por firma ta pa dependance Censo na LG Smithboulevard 66, tambe na Hoofd Bestuurs Kantoor den edificio di MFA na Noord y tambe na Hulp Bestuurs Kantoor den edificio di MFA na Savaneta.

Esnan cu ta bin firma mester presenta un documento di identificacion valido p'asina nan firma ta valido n'e partido pa cual nan ta duna nan sosten.

Ocho partido tin mester di e sosten aki, ta partido MAS, CURPA, Accion21, UPP, Pueblo Prome, Raiz, PPA Transforma y HTC caminda e partidonan cu no logra na haya e cantidad di firma menciona, lo keda for di e proceso electoral.

Ningun di e partidonan aki, a presenta un lista completo diabierna ultimo caminda e partido

cu mas candidato a presenta riba su lista, tabata PPA Transforma cu 17 candidato, mientras cu Accion21 tin 14 candidato sigui pa UPP cu 13, Pueblo Prome cu 12 mescos cu Raiz cu tambe tin 12, mientras cu dos partido no por a yega na 10 candidato, cu ta partido MAS di Marisol Lopez Tromp cu tabatin 7 candidato, mientras cu HTC a presenta un lista cu solamente seis candidato.

Ora cu analisa e listanan aki, e ta duna e impresion cu tur e partidonan aki, cu ta inicia e proceso awe pa coleccion di firma, ta buscando pa purba saca un of dos asiento pa di e forma aki busca pa drenta un Gobierno di coalicion, caminda lo bay haya mesun situacion cu tabatin ultimo tres aña y mey cu ta tras di lomba.

Tur ta papia riba cambio, tur ta papia cu tin problemanan grandi y di bon gobernacion, pero ningun a presenta suficiente "tools" politico den un lista grandi cu ta sigura un Gobierno stabiel tanto den Parlamento como como Gobierno, ya cu realmente nan no a prepara nan mes p'esaki.

Ya caba a keda demostra ultimo periodo di gobernacion cu e Gobierno di coalicion di MEP-POR-RED, tabata tres Gobierno den uno, caminda e poder inicialmente tabata sinta cerca tanto partido POR cu solamente dos asiento y despues cerca partido RED cu solamente un asiento.

E poder tabata den nan man y ora cu mira e partidonan cu ta buscando sosten pa participa den eleccion di otro luna, e ta un antesala p'e tipo di Gobierno aki, caminda pueblo lo no wordo sirbi pero mas tanto pueblo lo wordo strobe den su desaroyo y su progreso.

Lotto ta sigui na contribui den diferente forma na nos economia!

Debe di facilidadnan ta parti di Lotto su contribucion na deporte

Lotto, bao maneho di Canadian Bank Note (CBN) desde 2012, ta keda garantisa fondo no solamente pa deporte y ganador, pero tambe cumpli cabalmente cu obligacionan financiero pa prestamo haci.

Cierto noticianan cu ta circula, manera entre otro cu e benta di loteria ta loke a wordo uza pa traha stadionan ta eroneo.

Manera conoci, na 2011, CBN a wordo pidi pa St. Fundacion Lotto pa Deporte conhuntamente cu Gobierno di Aruba, pa asumi maneho di un loteria cu tabata cerca di declara bancarota. Apesar di e risiconan financiero enorme aki, CBN a asumi e reto cu un plan di negoshi obhectivo y transparente cu e meta pa genera apoyo financiero na Fundacion Lotto pa Deporte, y tambe pa cumpli cu e deber p'e rescate financiero di un maneho cu no tabata favorabel p'e fundacion.

A base di un maneho profesional di Canadian Bank Note a logra hisa e benta averahe di Lotto na 45.6 miyon anualmente. Cu e fondonan aki e loteria ta cumpli cu prestamonan di pasado, mientras ta percurando pa deporte keda ricibi un sosten substancial.

Lotto a keda cu un debe grandi cu mester a busca financiamiento p'e, na unda cu e stadionnan a crea un peso p'e loteria, un debe cu ainda Lotto ta pagando p'e construccion di e stadionnan aki. E debe aki, cu ta costa aproximadamente 2.1 miyon florin pa aña, tambe mester wordo considera como parti di e contribucion di Lotto na Deporte di Aruba.

Mescos ta conta riba e prestamo di 17 miyon cu St. Fundacion Lotto pa Deporte a sera cu Gobierno di Aruba na 2009 pa construccion di 3 compleho deporte y cu desde 2020 ta costa e fundacion un 1.5 miyon pa aña na pago na Gobierno. Cumprando Lotto bo ta contribui na deporte riba nos isla.

E meta di e loteria ta pa organisa weganan di lotto, cambia bida di su hungadornan y na mes momento inverti den deporte local pa medio di donacion mensual na Stichting Sportsubsidie Aruba.



Moms come test drive your favorite model and receive 1,000 Fun Miles.

Car-loving Mom Month

Win 25,000 Fun Miles

Which car are you daydreaming about? How about finally taking it for a spin?


Moms, come test drive your dream car and receive 1,000 FREE Fun Miles, our gift to you for Mother's Day!

Book test drive

*Offer valid until 31st of May 2021.
No purchase is required. Certain rules and regulations apply.

524 4444 • www.yrausquin.com

Ateliers '89 cu tremendo workshop



E flamante artista di Ateliers '89 Punto di Beyas Artes Aruba, Natusha Croes cu un tremendo workshop di performance cuminsando dialuna 17 di mei 2021 6-9pm.

Natusha Croes;

Artista contemporáneo Natusha Croes, kende a termina su estudio na Gerrit Rietveld Academie, Audio Visual Fine Arts (2015) y su Master of Arts in Performance Making na Goldsmiths University of London (2019) lo ta facilitando un taller di arte bibo / live art, usando su práctica como creadora multidisciplinario.

Durante 17 mei pa 11 di juni tur dialuna, diamars, diarazon & diabierna 6-9PM na Ateliers '89.

Lo enfoka durante e taller aki riba e externalisacion di e espacio interior di cada un di e participantenan usando medio artistico manera texto, dibuho, pintura y collage. Asina pasando dor di un proceso introspectivo, corporal p'asina manifesta den pistanan di palabra y imagen loke ta biba den nan. For di eynan lo analisa e vision board crea, pa duna un ruta di buskeda pa e materialnan cu lo por crea e portal entre nan realidad interior pa lo exterior. Esaki lo manifesta un realidad nobo den formato tres dimensional. Usando tecnica di diseño di obheto/espacio tres dimensional manera escultura/ instalacion p'asina crea e set design of e plataforma cu lo ser finalmente activa y presenta den performance of film/video.

Un viahe profundo den e participante nan mesun sentido di existencia p'asina conecta cu nan alma y fuente di creatividad. Natusha Croes lo facilita e proceso cu diferente ehercicionan di revelacion y modo creativo unico di contesta preguntanan manera: ken mi ta di paden bayendo pafo?

Pa inscribi por manda preferible un e-mail cu tur informacion personal na director Ateliers '89 elvis@ateliers89.org Por yama tambe e siguiente numbernan di telefon 5654613 - 5885776. Edad ta 12 aña pariba. Ateliers '89 ta situa na Dominicanessenstr. 34 Oranjestad. Na m,an drechi riba e crusada di Maria College. Inscribi awor ya cu cuponan ta limita

Xpresa bo mes

Tin un partido politico nobo: OM

PUEBLO mester ta alerta, tin un Partido Politico nobo, esta OM! Comentario general den e dianan aki cu ta circula den nos comunidad ta un Ministerio Publico (OM) ta bolbe trata na afecta e proceso democratico, esta eleccion di Aruba.

Hustamente dos luna prome cu eleccionan di 25 di juni ta inicia cu un investigacion cu tin dos aña drumi, p'asina trata na colga un candidato fuerte di AVP, esta sr. Benny Sevinger net prome cu eleccion.

Unico conclusion cu por saca di e maniobra nan aki ta cu ta OM ta ser usa como un vehiculo politico p'asina posiciona MEP mihor pa juni benidero.

AVP tin cu bringa contra MEP, RAIZ, POR, PPA etc, pero awor tambe contra OM. Casi por bisa un otro partido politico. Esaki ta un golpi atrobe pa nos estado di derecho. Esaki a sosode exactamente igual 4 aña pasa unda Paul Croes a wordo sera net un luna prome cu eleccion di 22 september 2017 p'asina afecta e resultado di eleccion na Aruba. E momento ey a sera Paul Croes 86 dia den isolacion p'asina e no por tabatin ningun contacto externo. E draaiboek a wordo saca atrobe e biaha aki pa Benny Sevinger.

Pueblo mester ta alerta pa cu esaki y no bolbe cai den trampa di OM y MEP den esaki. Nos redaccion a alerta comunidad prome cu e prome detencion den caso di Avestrus cu

esaki lo sosode y esaki a sosode manera cu nos a bisa.

Un Gobierno nobo mester haci un limpieza y investigacion contra esnan na cabez den OM y tambe den Landsrecherche, pa mira kico te causa di tanto desbalance inhumana na banda di e partido geel.

Cu mester investiga TUR caso si, pero no di un banda solamente nos ta reitera, dunando un solo partido e facilidad pa gana un eleccion. Aki bo ta metiendo directamente den nos sistema democratico. E gran pregunta ta PAKICO.

No por t'asina, cu den un forma asina brutal y sin cuero di cara OM ta laga su mes wordo usa politicamente di e forma aki.

Den tempo corto GnC a logra facilita otro buelo humanitario



DEN corto tempo Guarda nos Costa (GnC) a logra facilita un otro buelo humanitario pa Venezuela. Diasabra a tuma lugar e di nueve buelo humanitario for di Aruba pa Venezuela. De facto, e buelo a sali for di Venezuela, a pasa Corsou, haci escala na Aruba y asina regresa Venezuela. Di e forma aki a transporta Venezolanonan pega na Corsou y Aruba, pa nan pais natal.

E ultimo buelo humanitario tabata dia 27 di april 2021, pero no a logra transporta tur hende cu tabata pendiente pa regresa nan pais. Cu e buelo di diasabra a logra pa tur cu tabata riba lista por a regresa nan pais di origen. Entre nan tin cu djis a keda Aruba ilegalmente mas largo di locual ta permiti pa ley y tabatin algun cu a keda expulsa.

E buelo aki lo no tabata posibel sin cooperacion di Ministerio di Husticia di Aruba, Consul General di Venezuela na Aruba, Departamento di Aviacion Civil, DIMAS, Departamento di Relacionnan Exterior, IASA, Cuerpo Policial Aruba y Guarda nos Costa.

No por keda sin resalta e bon cooperacion ricibi di LabHOH cu a facilita e testnan di Covid pa tur cu mester a subi e avion pa regresa cas.



Fresco Tur Dia





HABRI TUR DIA DI 6:00AM-6:00PM

YAMA NOS: 5821915
**Guyabastraat #4
Dakota**

Aruba a baha bou di 100 caso activo di Covid-19

ULTIMO INFORMACION

Casonan di Corona Virus na Aruba pa 9 di Mei 2021

9/5/2021	TOTAL	RESIDENTE	NO-RESIDENTE
Casonan Nobo	13	10	3
Activo	96	85	11
Recupera	10573	9749	824
Positivo	10770	9934	836
Negativo	142422	-	-
Getest	153789	-	-
Getest na Airport	104281	-	-
Morto	101	100	1

Departamento di Salud (DVG) a manda su resumen p'e dia di ayera pa locual ta trata Covid-19. Por a tuma nota cu e casonan ta sigui baha y ta muestra cu poco poco, pero sigur e situacion ta bou di control. P'e dia di ayera a registra 9 persona a recupera, y unicamente 13 caso nobo di Covid-19.

Den e casonan nobo registra 3 ta no-residente. E cantidad total di testnan ehecuta n'e diferente localidadnan na Aruba, ta 674 test. 'Positivity rate' entre nos residentenan ta 13%.

Casonan cu te n'e momentonan aki ainda ta activo ta 96. Cifra di personanan cu a perde e bataya contra Covid-19 ta 101.

Hospital ta informa cu tin un total di 9 persona interna di cual 6 ta den Cuido Intensivo y 3 riba unidad general di Covid.

Minister Dangui Oduber

E vacuna ta dunando e resultado cu nos ta buscando

E enfoque principal di Minister Dangui Oduber durante e pandemia tabata dirigi riba maneha Covid-19 n'e mihor forma posibel, percura pa vacuna mas hopi hende posibel muy especial nos grandinan mas liher posibel pa despues por focus riba nos recuperacion di nos turismo.

For di momento cu na december 2019 a bira conoci cu e prome vacunan di Pfizer y Moderna lo subi mercado, mi a sinti e urgencia pa prepara Aruba y busca mas vacuna posibel. E pandemia a haci nos tur hopi daño y na momento e solucion a presenta su mes, ta mi deber y obligacion pa haci uso di e oportunidad aki.

For di luna di december 2020 pais Aruba a prepara pa nos por ta cla pa ricibi e vacunan. Henter un team multidisciplinario cu ta consisti di Ministerio di Turismo, Salud Publico y Deporte, Departamento di Publico, BRA, DOW, IVA, VDA, KPA, Douane y Setar a bin ta prepara n'e mihor forma posibel pa ora e vacunan yega nos ta cla pa cuminsa vacuna nos hendenan. Mi tin cu bisa cu un team hopi dinamico a traha riba nos plan di ehecucion y tambe haci tur e preparacionan p'e bishita di RIVM.

RIVM a bishita Aruba pa haci e controlnan y supervision necesario riba nos plannan y tambe evalua esaki. RIVM a yega 25 januari 2021 y nan a haya un presentacion amplio di nos strategia di vacunacion, tambe di nos plan di ehecucion y con esaki ta hinka den otro.

A controla e freezersnan hunto cu tur e instalacionnan y henter e cold chain. Tambe a bishita tur e localidadnan caminda e vacunan lo wordo duna y a check e transporte y seguridad. Nos a percura pa Aruba tabata bon prepara pa manera e vacunan yega nos por a cuminsa di biaha cu e distribucion.

Mi ta convenci cu e vacuna t'e solucion pa mundo y pa Aruba y hustamente p'esaki mi a haci tur loke ta den mi alcance pa Aruba wordo vacuna. Esaki mi a pone como mi meta personal pa nos por logra hunto den union.

Mi a hiba un campaña hopi agresivo di informa, educa y consentiza nos comunidad di e importancia di tuma e vacuna.

Manera aña a habri na januari 2021 nos a cuminsa cu esaki.

Nos a pidi Hulanda hopi vacuna desde december 2020, pasobra nos sa con importante e vacuna ta pa evita mas hende fayece, mas hende wordo hospitalisa y pa nos por progresa. Nos a negosha cu Hulanda firme y cu argumentonan nos por a convence nan pa manda nos mas vacuna.

Nos logra convence Hulanda pa manda mas vacuna pa nos considerando e cantidad di registracion cu nos tin, E capacidad di duna vacuna cu nos tin, e eficiencia di nos proceso y tambe e cantidad di hende vacuna.

Nos a haci uso di e Aruba Health app, nos a busca un personal profesional, amabel y servicial. Nos a aumenta nos capacidad pa vacuna pa dia te na 3000 vacuna pa dia y asina nos ta logrando vence e pandemia.

Awe nos ta wak con e cantidad di casonan ta bao di aun averahe di menos di 20 caso nobo pa dia. Nos ta wak cu na hospital tin solamente 3 persona interna den Departamento di Covid y 6 den ICU.

Nos a percura pa vacuna casi 56.000 persona na Aruba y 70% di nos grandinan riba 60 aña di edad. Minister Dangui Oduber a demostra liderazgo, a demostra firmeza y dinamismo pa tin un di mihor programan di vacuna di henter mundo. Awe nos ta mira cu e vacuna ta dunando e resultado cu nos tabata buscando.

Awor a yega e momento pa nos sigui flexibilisa, sigui suavisa y recobra nos libertad bek. Nos mester recupera nos turismo, nos economia y nos pais bek. Mi ta sinti asina contento y orguyoso cu Aruba a responde n'e yamada pa vacuna y nos ta sintiendo e resultado di esaki.

Aruba ta bayendo den bon direccion, casonan ta bahando, cantidad di persona hospitalisa ta bahando, menos hende fayeciendo y nos turismo recuperando. Tur esaki ta danki n'e hecho cu mas y mas hende ta vacunando. Nos a demostra cu nos tin e curason na e lugar corecto, nos a maneha e pandemia y speed up e vacunacion.

ATENCION

Ultimo dia di pago di factura di luna di maart 2021

Dialuna 17 di mei 2021 e cobranza di coriente di maart 2021 lo vence.

Elmar ta conseha tur cliente pa tene nan cuenta di coriente na ordo.

Pa informacion of aplicacion pa areglo di pago bishita www.elmar.aw of pasa na oficina di Elmar na Wilhelminastraat 110, Oranjestad.

DANKI PA E COMPRESION
523-7100
customerservice@elmar.aw


ELMAR



Di biaha despues di e anuncio di Consejo Electoral cu den e proximo eleccion e lo kier haci uzo di un sistema di scan pa reduci e riesgo di contagio y acelera e proceso di conteo, AVP a reacciona cu e acusacion cu ta trata di un intento di Gobierno pa salbuardia su re-eleccion pa medio di fraude electoral.

Hasta despues cu Consejo Electoral/Director di Censo a declara den varios ocasion cu ta trata di nan propio iniciativa y cu di ningun manera por influencia e resultado, ni cu por averigua e eleccion di votador, AVP a sigui mantene su posicion.

CONSEJO ELECTORAL

Den henter e polemica aki por reprocha Consejo Electoral (CE) cu e, manera ta di custumber na Aruba, a trece un adaptacion importante den e sistema di votacion na ultimo momento den e discusion publico. Segun CE, e intencion tabatey pa varios aña, pero inesperadamente a haya mas urgencia pa motibo di e pandemia di Covid.

Riba dje e aceleracion inespera di eleccion a contribui n'e apuro pa adapta e Reglamento di Votacion dor di un Parlamento debilita cu n'e momento aki ademá te den e 'modus di campaña'. Esey ta trece e riesgo cu n'e cu no ta analisa e proyecto debidamente.

OPORTUNISTA

Anke ta na su lugar pa critica e proceder aki, ta totalmente absurdo pa dun'e di biaha e etiketa di 'fraude electoral'. Esey ta crea e impresion fuerte cu e partido concerni ta probecha di e oportunidad aki pa, mescos cu ex-Presidente Trump, 'splica' di antemano e perdida electoral anticipa. Esey ta logico: Cu un Ministro cu a keda sentencia pa Corte den prome

instancia pa corrupcion y participacion na un organizacion criminal (caso-IBIS); un otro ex-Ministro cu t'e sospechoso principal den un caso di corrupcion extenso di cual su compinchinan hustamente den e periodo aki (t)a keda encarcela pa un tempo cortico of mas largo (caso Avestruz); y otro ex-exponente importante cu inicialmente como Ministro di AVP y despues di POR tambe ta suheto na investigacion hudicial (caso Flamingo), AVP na e momento aki no ta inspira ningun tiki di confiansa n'e electorado. Consecuentemente e acusacion di AVP na Ministerio Publico cu aki ta trata di 'persecucion politico' ta disparate completo.

ETCETERA

Pero tambe e enriquecimiento vergonzoso di otro ex-Ministro, entre otro pa medio di e aventura fracasa di Citgo; e secrecia hermetico pa cu e contrato di Citgo; e gastonan enorme di e fracaso grandi den caso di e hedge-deal; e desbordamento espantoso y inaceptable di finansa publico y consecuentemente di e debe publico; e obligacionnan enorme como consecuencia di e proyectonan intransparente di PPP, etc. ta contrubui n'e imagen negativo di e partido.

A base di esey ta dudoso si AVP tin algun credibilidad moral ainda pa denomina e iniciativa di Consejo Electoral como fraude electoral.

Pesey tambe e acusacion ey maximo por aporta na reaccion emocional dentro di e propio nucleo di fanatico, mientras cu alabes e por kita e atencion di comunidad for di e casonan di corrupcion.

LABAMENTO DI PLACA?

Pa por recobra algun confiansa, ta necesario p'e partido bira completamente transparente riba un termino mas cortico posibel. Pa cuminsa cu e lider di partido cu mester duna un splicacion satisfactorio p'e contribucion di parti di Roberto Rincon na september 2016 di US\$ 49.950 na su fundacion di campaña.

A aresta sr. Rincon ya caba na december 2015 na EEUU pa motibo di corrupcion/

labamento di placa. Na juni 2016 Rincon a admiti su practicanan corruptivo di mas di US\$ 1 biyon (mil milon!) pa medio di PDVSA den combinacion cu labamento di placa.

Pesey tambe nos Prome Ministro di e tempo ey mester tabata na altura di e reputacion cuestionabel di Rincon. Pues e mester por a conta riba su dedenan cu e suma(nan) cu el a ricibi di Rincon probablemente tabata resultado di delito (corrupcion). Pesey tambe lo por considera e uzo di e placa aki, comosifuera a ricibi'e legitimamente y su uzo pa meta personal (campaña), como labamento di placa.

Como cu mas exponente di AVP tambe a 'deal' (intensivamente) cu Rincon pa motibo di otorgamento di tereno y 'negociacion' tocante e refineria, lo no ta nada extraño si e miembronan di partido ey tambe a ricibi suma substancial riba nan cuenta di campaña. Como tal AVP lo por a comporta su mes como un machin di laba placa.

Pasobra e sumanan aki ta procedente di un pais cu ta considera internacionalmente como sumamente corrupto te n'e nivelnan di mas halto. Sinembargo, segun e percepcion di su propio pueblo pa medio di encuesta di Banco Central, Aruba no ta mucho diferente. Den e cuadro aki e recien 'Aruba Money Laundering Report 2021' tambe ta muestra riba e abuso di poder di parti di Ministro y otro funcionario publico.

Den esey Parlamento no lo ta dispuesto pa investiga esaki seriamente si e lo afecta e posicion di nan propio Ministronan.

TRANSPARENCIA

Como cu ta trata di sospecho serio, den e cuadro aki ta importante pa partido AVP duna transparencia total den administracion di e fundacionnan concerni. Pa un partido cu (mientras e ta den oposicion!) ya caba for di comienso di añanan '90 ta boga pa transparencia den financiamiento di partido, esaki ta un oportunidad unico. Posiblemente esaki lo por yuda e partido na saca e sospecho di fraude di e electorado for di mundo.

Pa: Armand Hessels

Pareha turista riba scooter herida den accidente na crusada di Palm Beach

Diabierna anochi Polis a bay na crusada conoci na Palm Beach, esta esun unda e luznan di trafico tabata .

Eynan un biaha mas a sosode un otro accidente.

Polis a bin topa cu un pareha turista, nan lo tabata riba un scooter. Ambos tabata herida, uno cu algun corta na pia y e dama tambe tabata sinti dolor na cabes.

N'e sitio nos a compronde cu e scooter lo a pasa via un parti di e baricada, pero no a pone atencion riba un Nissan Platina biniendo di nort. Aki ta unda e accidente a tuma lugar.

Dos ambulance a wordo pidi n'e sitio. Na yegada di Paramediconan ambos a wordo atendi y transporta pa Hospital.



**'DESARROYO DI UN PAIS
TA E FORMACION Y UNION
DI SU HENDE NAN'**

nr.



+297 5638288

nos@gerliencroes.com

gerlienluzdianecroes

www.gerliencroes.com

Dr. José Gregorio Hernández a bira Beato



FIN di april, Fundacion Venerable José Gregorio Hernández, tabatin tres dia di oracion, canto, alabansa y riba e ultimo dia tabata tin ofrecemento di bela como muestra di gradicimento na nos Tata Celestial.

Asina diasabra dia 1 di mei a sigui un misa solem presidi pa Vicario Pastoor Andres, acompaña pa Pastoor Wuilder, Pastoor Andry, reverendo Theo y dos laico. Ora di ofrenda, un hobensito di Venezuela bisti mescos cu Beato José Gregorio Hernández a haci ofrenda di flor na nomber di tur presente.

Nos Vicario a expresa su mes masha bunita, na un forma p'e pueblo comprende, cu nos mester haci obra y biba un bida mas dedica na Dios, siguiendo doctor su ehempel. No ta pa nada pueblo Latino Americano tabata yam'e 'dokter di pobernan'. Ta cu hopi amor y dedicacion, e tabata atende e pobernan den su tempo. El a haya accidente y fayece eherciando su profesion vocacional. Y manera Monseigneur Baltazar na Caracas a bisa, cu



Dr José Gregorio Hernández a wordo beatifica n'e mihor momento, cu ta durante un pandemia.

Hopi persona ta pidi pa ayudo di intercesion pa nan salud dor di Beato José Gregorio Hernández. Sitio di Oracion cu esaki ta participa cu ta habri tur dia di 7:00 am pa 7:00 pm. Tambe t'asina cu tur diarazon anochi tin oracion of Santa Misa pa 7:00 pm.

Nos fundacion ta pidi pueblo di Aruba pa ban sigui resa, pa pronto nos Beato por wordo declara Santo.



Fiskal a preshoná saka informashon riba grupo ku a trese Colombiano



Dios ta nos refugio,
E ta nos fortaleza,
El a resulta un yudador den mester.
Salmo 46:1

Cu dolor na nos curason, nos ta anuncia fayecimento inespera di nos ser stima:



Angel R. Croes

Mihor conoci como "Bubu"
*26-07-1950 – †06-05-2021

Acto di entierro lo wordo anuncia despues

WILLEMSTAD - Den su rekisitorio den e kaso di eksplotashon humano na gran eskala ku a sosodé aki na Kòrsou, Fiskal señora mr. Emma de Groot a trese padilanti ku hopi énfasis ku e krímen mas teribel den e asuntu aki ta hasimentu di negoshi den trafikashon di hende.

Esaki ta un atentado bárbaro kontra libertat físiko i mental den e integridat di persona. Pasobra hende mester por konta ku full libertat den tur su konteksto i variedat.

E aktonan kastigabel kometé i ariba menshoná ta di e periodo ougùstùs 2016 pa òktober 2019, kontra di e Colombiano J.G. Parra Sandoval. Tabata señora Denise Augusta Velder, kende a aserká e víktima na Colombia ku e petishon pa kumpra su reseta di pizza, el a puntra klaramente kuantu ta kosta pa kumpra e resèt di trahamentu di pizza i

esaki a kontesta 3 mion peso Colombiano, esta 1000 florin. A manda plaka Colombia pa laga esaki drecha su pasaporte i pasashi pa bini Kòrsou.

Na su yegada Kòrsou i momento despues ku e Colombiano a presentá serka famia Augusta pa bende e reseta a bis'é ku e por keda Kòrsou i ku tur siman lo sòru pa su kasá na Colombia risibí 300 florin.

Tambe a primintié ku mesora lo sòru pa regla su dokumentonan di estadia. E Colombiano a bai di akuerdo ku e palabrashon te asina leu. Pero ta komo si fuera Jamiele Augusta i su kasá Denise Augusta Velder for di un prinsipio tabatin e plan pa di tal forma laga e Colombiano bin traha pa nan komo kòki den nan negoshi ku yama "Crazy Pizza".

Den e deklarashonnan duná na Polis a sali na kla ku esaki tabata ideanan original ku

a bini for di Denise Augusta Velder, ya ku e hòmbler Colombiano, kariñosamente yamá 'Memo' ta oriundo di e señora aki tambe su bario, esta Santa Martha i tabata ku esfuerso di algun primu di Denise Augusta Velder kendenan a yuda pa por a lokalís e Colombiano kòki. Mas aleu a palabrá ku Harvey Bernadina ta bira partner di e negoshi di pizza ku nan lo lanta, despues ku a laga e Colombiano drenta aki komo turista.

E hòmbler Julio Lijfrock, kende a bira tenedó di buki lo sòru p'e pèmitnan nesesario p'e kòki, esta pèmit pa trabou i estadia p'e hòmbler Colombiano.

Enfin, segun Fiskal mr. Emma de Groot, klaramente a keda demostrá ku a engañá e kòki i asumí un akstitut di dominio riba dje.

Tabata via Western Union ku nan tabata manda plaka p'e hòmbler tempu ku e tabata na Colombia i asina ei a gan'é pa bini Kòrsou.



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Cado Wever.

Cu honda pena pero conforme cu boluntad di Dios, nos ta participa cu a bai drumi den brasa di Señor:



Olga Marina Habibe Osorio

Mihor conoci como Marina
*24-01-1939 – †05-05-2021

Na number di su:

Casa: Adriaan Saturnino Habibe

Yuinan: †Lisette
†Nicky

Rumannan:

†Miguel Angel Osorio & Vda. Maria Antonieta Castro

†Federico Antonio Osorio & Vda. Altagracia Ravelo

†Aura Osorio & †Adriaan Arends

Vda. Lesbia Josefina Osorio & †Lorenzo Maximiliano Arends

Clara Mercedes Oduber Osorio & Simon Rudolfo Oduber

Cuñanan: Omira Urania Habibe

†Judith G. Habibe

Sobrino y sobrinanan y demas famia ta invita pa acto di entierro cu lo tuma lugar diaranzon 12 di mei 2021 for di 1'or pa 4'or di atardi na Aurora Funeral Home despues pa santana Katoliko na Playa.



"SEÑOR ta mi wardador, mi n' tin falta di nada;
den cunucu di yerba berde E ta pone mi sosega.
E ta hiba mi na awa trankil, pa mi bolbe haja forsa."
Salmo: 23

Cu inmenso tristeza na nos curason, pero conforme cu boluntad di Dios. Famia Lacle-Dirks ta participa cu a bay sosega den brasa di Señor, nos tata, welo, omo, ruman:



Sr. Antonio R. Lacle

Mihor concoci como "Papai"
*15-04-1928 – †07-05-2021

Acto di entierro lo wordo anuncia despues

Te cu diamars otro siman por firma pa sostene lista

DI acuerdo cu Presidente di hoofdstembureau; conforme articulo 17 Ordenansa Electoral, un lista di candidato politico cu no tin asiento den Parlamento, mester wordo sosteni dor di **587** firma di votadornan (1 por ciento di votonan valido di eleccion anterior).

E sosten aki ta sosode pa 7 dia consecutivo (excluyendo weekend) di 09:00 am te 8:30 pm despues di entrega di lista.

Dianan ta for di awe 10 di mei te cu 18 mei 2021 (excluyendo weekend).

Orario ta for di 09:00 am te 8:30 pm

Lugarnan pa firma ta: 1. Dependance Censo @ L.G Smith Boulevard 66; 2. HBK Noord y 3. HBK Savaneta



A fayece cristianamente



Charles Benjamin Alders,
mihorconocicomo Benjie, Chalie,
* 5 Dec 1961 Aruba - † 2 May 2021 Colombia

Acto di entierio lo wordoanunciadespues

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Jolanda Beatrix Everon
*24-08-1957 - †06-05-2021

Acto di entierio lo wordo anuncia despues.

"For life and death are the same,
even as the river and the sea are one."- Khalil Gibran



It is with great sadness but thankful for all that
she meant to us that we announce the passing of

Mrs. dr. Kyle C.L.B. Bennett Maria

Aruba, April 30, 2021

Left to mourn her loss are:

her husband Shurby
her daughters Vida and Allegra
her siblings Marva, Steve, Bruce, Wendy and Lawrence
her families Bennett, Istatia and York all in
Curacao and her close beloved friends
Angelique, JP, Kavi, Mirthje and many many more.

As per Kyle's wishes, the farewell ceremony and cremation
have taken place in a closed family circle.

It is Kyle's wish that all those who knew her, would
remember and honor her memories and legacy of peace,
love and authenticity.

May Kyle continue her beautiful eternal life in
our Father's Heavenly Paradise.

Condolences can be send to: shurbymaria@gmail.com

A gana kòki Colombiano na Kòrsou pa traha pizza den garashi di mekaniko

WILLEMSTAD - Den e kaso di eksplotashon humano di personal Colombiano pa pizzeria na Caracasbaaiweg, klaramente por papia aki di eksplotashon bárbaro, pasobra una bes ku a gana e mener aki na Kòrsou a but'é traha duru manera katibu, pa kuminsá den garashi di e famia Augusta. Anto aki e tabata traha oranan largu, sin kontrakt di trabou, sin pèmit di estadia, sin salario, sin nada!

Den su deklarashonnan na Polis, e akusado Denise Augusta Verder a atmití ku tur esaki ta bèrdat. Enfin e situashon ku a krea di e forma aki klaramente tabata unu di dependensia, esta di un stranhero ilegal na Kòrsou, sin pariba, sin pabou i den un situashon sumamente vulnerabel.

Pero tabata pinta e hòmer aki perspektivanan briante den forma di un trabou komo kòki riba e isla aki i posibilidat pa haña pèmit di trabou i estadia, for di kua e kòki aki lo por saka benefisionan grandi.

Komo tal e Colombiano, esta J.G. Parra Sandoval a subi su produkshon, trahando mas i mas duru pa demostrá ku e bal e konfiansa.

Pero al final tabata nada otro sino puru eksplotashon di un persona den nesesidat ku tabata ke pa sigui manda plaka pa su famia aya na Colombia, pasobra hasiendo tur esaki 3 aña a pasa sin logra nada di e promesanan hasí na dje.

Hecho ta ku su binimentu Kòrsou tabata pa bende e resèpt di pizza, pero despues a gan'é ku lo sòru pe haña pèmit di estadia i trabou, anto ku lo e por laga su famia tambe bin Kòrsou.

E Colombiano na sierto momento hasta a bin ta duna plaka pa logra e pèmit di trabou i di estadia, pero tur esei tabata enbano.

Famia Augusta, sabiendo i siendo e hòmer tabata aki ilegal i tabata traha

sin ningun kontrakt, na sierto momento a bin ta kita plaka pa belasting for di dje.

E hòmer a bira malu i a kuminsá sufri di hèrnia. Pero tambe el a kuminsá uza kokaina i alkohòl. Den sala di Korte Jamiele Augusta i su kasá Denise Augusta Velder a ninga redondamente di tabata abuzá di e hòmer i a splika ku t'e Colombiano mes tabata ke traha mas ora pa gana mas plaka.

A trese padilanti ku e hòmer Colombiano ta un mentiroso teribel.

Pa kolmo Slachtofferhulp ku na kuminamentu tabata enkargá ku preparashonnan pa demanda di daño i perwisio p'e víktima aki tambe a bira lomba pe. Slachtofferhulp a konstatá ku e hòmer Colombiano tabata gana hopi i tabata un uzadó di droga.

Finalmente ofisina di abogado Ornelio "Kid" Martina, den persona di abogado señora mr. Samanta Snel a atendé e kaso aki pa defendé e víktima, pidiendo un daño i perwisio na rason di e suma di 18.924 florin.

Den sala di Korte na sierto momento a bin hinter un historia di un kaha grandi di palu ku lo tabatin den kurá di e negoshi, kaminda tur e trahadónan ilegal den servisio di e pizzeria por kore skonde asina nan sinti presensia di kualke Polis òf outoridat di hustisia.

E historia aki a keda redondamente rechasá pa famia Augusta, bisando ku ta un kaha grandi den kua tabata warda habon i kosnan di uzo di limpiesa p'e negoshi.

Nada di kaha pa trahadornan ilegal skonde aden pa hustisia tabata bèrdat, segun famia Augusta.

Enfin, hinter un konfrontashon ku informashonnan kontradiktorio a sigui den Korte, ku na un banda Fiskal mr. Emma de Groot saliendo na defensa di e víktima atrabes di un rekisitorio kankan di akusashonnan pisá kontra di e akusadonan.

Apesar di defensa vigoroso:

Fiskal a pidi kastigu di prizon pa trafikantenan di ser humano



"Señor ta mi wardador, mi'n tin falta di nada
Den cunucu di yerba berde e ta ponemiseega.
E ta hibaminaawatrankil,
Pa mi bolbehañaforsa".
Salmo: 23

Nos ta anuncia fayecimento di:



Otilio Theodor Tromp
*07-12-1957 - †04-05-2021

Acto di entierro lo wordo anuncia despues.

WILLEMSTAD - Abogado di restaurant di pizza abogado señora mr. Alicia Blonk na defensa di Jamiele Augusta a insistí ku hopi di loke a bini padilanti di parti di e Colombiano ilegal i òf Ministerio Públiko ta puru mentira, anto ku e hòmber mes tabata pidi pa traha oranan largu. Abogado mr. Alicia Blonk a bin bastante largu na palabra pa mostra ku Jamiele Augusta (Landsreshèrshi) di ningun manera no tabata di mala fe.

Abogado mr Marije Vaders a konsentrá pa mostra ku su kliente Harvey Bernadina na numeroso okashon tabata kier a yuda e hòmber i tabatin oido pe, di manera ku por a manda plaka pa esaki su famia na Colombia. E akusado Harvey Bernadina no tabatin ningun pasado ku hustisia i sigur no tabatin ningun mal intenshon ku Parra Sandoval, tabata énfasis di abogado Marije Vaders su defensa.

Abogado señora Atena Sulvaran tambe a yama atenshon p'e situashon doloroso i penoso ku stranheronan t'aden i ku tin biaha ta nan mes ta pidi pa trabounan ku ta bira di mas. Señora Denise Augusta Velder, kende t'e kliente di abogado Atena Sulvaran ta konsiente

di e realidat ei i pa tal motibu ta kai na pena di su hendenan i mas bien ke sirbi nan di yudansa. Fiskal mr. Emma de Groot finalmente a demandá komo kastigu pa Jamiele Augusta pa sak'é for di e funshon di Landsreshèrshi, pasobra ku esei klaramente el a tacha nòmber i imágen di e funshon.

Mas aleu segun e Fiskal, Jamiele Augusta mester haña un kastigu di 20 luna di kua 5 luna kondishonal, kitando e 4 lunanan ku el a sintá kaba den sèlnan na Barber, mas e periodo di prueba di 2 aña.

P'e akusado Denise Augusta Velder un kastigu di prizon di 18 luna di kua 6 luna kondishonal i un periodo di prueba di 2 aña. P'e akusado Harvey Bernadina un kastigu di prizon di 12 luna di kua 4 kondishonal i un periodo di prueba di 2 aña.

Pa Julio Lijfrock, kende aktualmente ta biba na Hulanda, trahando komo shofùr di karga un kastigu di trabou di 240 ora i 6 luna kondishonal. Tambe Fiskal a bai di akuerdo ku e suma di 18.924 florin ku a pidi pa daño i perwisio.

Hues mr. G. Verbeek a keda ku dia 3 di yùni lo sera e kaso ofisialmente i pa dia 11 di yùni dikta sentensia pa 2or di mèrdia.

Kaso maratoniko den Korte.....

Trafikashon humano i eksplotashon bárbaro

WILLEMSTAD - Suela di sala di Korte a sakudí pisá siman pasa un biaha mas na momento ku e ciudadano ku un tempu tabata Landsreshèrshi, esta Jamiele Augusta, a presentá den sala di Korte akusá di trafikashon di hende, falsifikashon di dokumento i eksplotashon bárbaro di un Colombiano ku tabata ilegal na Kòrsou. Siendo un Landsreshèrshi, e hòmber Jamiele Augusta di 52 aña di edat tabatin un negoshi di pizza "Crazy Pizza" riba Caracasbaaiweg ku e tabata manehá huntu ku su kasá di orígen Colombiano, kende yama Denise Augusta-Velder di 40 aña di edat.

Ademas t'asina ku Jamiele su primu ku yama Harvey Bernadina i di 47 aña di edat tabata partner den e negoshi, siendo Julio Lijfrock (aktualmente bibá na Hulanda) i di 52 aña di edat t'e tenedó di buki.

Tratamentu di e kaso aki tabata uno maratóniko, el a kuminsá mitar di 10 di mainta i a kaba te 6or di atardi (8 ½ ora di durashon) i tabata dirigí pa Hues mr. G. Verbeek. Fiskal na nòmber di Ministerio Públiko tabata señora mr. Emma de Groot.

E abogadonan pa hiba defensa tabata señora mr. Alicia Blonk p'e akusado prinsipal Jamiele Augusta, señora mr. Atena Sulvaran pa Denise Augusta Velder, señora mr. Marije Vaders pa Harvey Bernadina i señora mr Paula Janssen tabata enkargá ku e defensa di Julio Lijfrock.

Siendo e doño prinsipal di e pizzeria i alabes reshèrshi, e akusado Jamiele Augusta a presta pa pone un Colombiano ku tabata pèrmanesé ilegalmente na Kòrsou traha pe durante 3 aña, 7 dia den siman, tur dia di entre 12 pa 15 ora.

Despues di e denunsia ku a keda hasí, rápidamente hustisia a pasa over pa detené Jamiele Augusta, sigui pa su kasá Denise Auguta Velder, e partner den negoshi ku tabata e primu Harvey Bernadina i finalmente for di Hulanda a laga trese e tenedó di buki, esta Julio Lijfrock pa un periodo kòrtiku Kòrsou.

LITANIA DI DELITO

E kuarteto ta akusá di hasimentu di negoshi di trafikashon di hende, kontrabanda di hende, falsifikashon di dokumentu i violashon flagrante di orarionan di trabou.



Gradicimento y Invitacion

Pa medio di esaki famia da Silva-de Cuba kier a gradici tur esnan cu na un manera of otro a duna nos sosten, consuelo y forsa durante e tempo difisil cu e fayecimento y entierro di nos defunto stima:



Sr. Jose de Nascimento da Silva
"Palo Jo" of "Jo"

Boso muestra di atencionawata di hopi aprecio y un gran sosten pa nos.
Un dankispecial nadokter di cas J. van Triktcu a brinda sosten y atencionatambenadokter yverpleegsternan di Imsan, verpleegsternan di Wit GeleKruis y Edmund Harms Foundation pa nan bon servicio y dedicacion. Na Dr. Lacle (neurochirurg) y Dr. Weiser (Neuroloog). Na Theo Zievinger pa subunita palabra y orashonnan,

Alaveznos kier a invita pa 3 santo sacrificio di misa cu lo tumalugardiadomingo 9 di mei 2021 pa 7:30 di maintanamisaSt.Anana Noord, diamars 11 di mei 2021 pa 5:30 naKapel di Alto Vista y diasabra 15 di mei 2021 pa 7'or di anochinamisa St. Ana na Noord.

CTB ta felisitá Ajax ku su título di kampion di Nederlandse Eredivisie



WILLEMSTAD— Djadumingu último 2 di mei, Ajax a logra su di 35 título di kampion di Nederlandse Eredivisie. Mirando e partnership entre Kòrsou i Ajax, Ofisina di Turismo di Kòrsou (CTB) a felisitá e ekipo di Ajax i tur e fanátikonan hasiendo uso di un aviso personalisá ku e teksto: “Ajax Pabien”.

E aviso di felisitashon a keda kompartí riba diferente plataforma di medionan sosial i tambe riba bòrchinan digital den sentro di Amsterdam.

E aviso ta inkluí tambe e wèBSITE di Kòrsou pa tur ku mira e aviso por bishitá e wèBSITE pa sa mas di e produkto turístiko ku Kòrsou ta ofresé.

Ademas huntu ku Ajax Life, e klup di fanátikonan di Ajax, ta rifa bou di e 88 mil fanátikonan un biahe pa Kòrsou pa 2 persona.

Manera ta konosí for di prinsipio di aña pasá, e logo di Kòrsou ta prominentemente visibel riba manga di e shùrt di Ajax.

Ademas pa medio di e promoshonnan ku ta keda hasi rond di e partidónan, tantu via televishon komo diferente otro kanalnan di Ajax, ta hasi posibel pa komo Kòrsou nos alkansá miónes di fanátiko di e klup na Hulanda i tambe rònd mundo.





E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL

BONERIANO®

EDITOR:
Bonaire Communication Services N.V.

Djasabra 8 mei 2021 Preis: \$0,60

PRESHON PISÁ DI ILT RIBA OTB I CUROIL

Poblashon di raton djanochi



Boneiru tin ainda hopi raton djanochi. E foto aki ta saká den un kas di kunuku no habitá pa hende, pero sí habitá pa hopi raton djanochi. E animalnan aki tin un funshon importante den naturalesa. Pues laga nan na pas.




Aksidente
basta feros
na Kaya
Korona

MCB Auto Show 2021

up to
\$2,000
OFF!

CHANGAN AUTO

f /dabboussimotors



**BOTIKA NA
WARDA**



**DJADUMINGU
9 MEI 2021
14:00 - 18:00**

\$10 FREE SLOT PLAY

Sign up for your FREE Player's Card
and receive \$10 in FREE Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

2 | Kòntrolnan di tráfiko plania

KRALENDIJK -- Kòntrol di tráfiko na Kaya Soeur Bartola, durante di kua a kontrolá 11 vehíkulo. Shete shofùr a haña un prosèsferbal di kua tres pa manehá sin seguro,tres pa manehá sin faha di seguridat i un pa manehá sin reibeweis. Den oranan di mainta riba djaweps 6 di mei, a tene un kòntrol di tráfiko na Kaya Internashonal en konekshon

ku seguridat di tráfiko. Durante di e kòntrol aki a kontrolá un total di 35 vehíkulo, di kua 33 outo i 2 hèrmènt ku ta kore riba su mes (zelfrijdend werktuig). A duna un total di 31 prosèsferbal.

Prosèsferbal

E prosèsferbalnan tabata pa manehá sin faha di seguridat bisti 21 bia, pa uzo di telefòn bou di stùr 5 bia,

manehá sin reibeweis bálido 3 bia i sin seguro bálido 2 bia.

Den oranan di atardi a kontrolá 20 vehíkulo durante un kòntrol di tráfiko na Kaya Amsterdam. Aki a duna 4 prosèsferbal di kua un pa manehá sin reibeweis bálido, un pa manehá sin seguro bálido i dos pa manehá sin faha di seguridat bisti.

Outo ta dal den kura di kas

KRALENDIJK -- Riba djabièrnè 7 di mei, alrededor di 4'or di mardugá, un aksidente a tuma lugá riba Kaya Korona.

Pa motibu ainda desconosí e shofùr di un outo a kore bai dal den muraya

di kura di un kas. A hiba e shofùr warda pa hasi ‘ademanalyse’.

En konekshon ku e resultado di esaki el a haña un prosèsferbal pa manehá bou di influensia i el a haña un prohibishon pa manehá di

11 ora. Despues ambulans a transportá e shofùr pa hospital pa tratamentu médiko. Durante di e aksidente el a dal den un pipa di awa ku a buta basta awa basha. WEB a resolvé e problema aki mesora.

Aksidente basta feros na Kaya Korona



Un aksidente basta feros, afortunadamente sin herido, a sosodé ayera mainta lat na Kaya Korona. Tabatin tres vehíkulo embolbí, entre kua un dòmrùk ku a kèntel riba su banda. E fotonan ta duna un bista na e sitio di aksidente.

Djasabra 8 mei 2021



Bòl Antoin
Fundashon Històrico Kultural Boneriano

Mi a bakuná
asina mi por bishitá hende grandi atrobe pa registrá historia di Boneiru

Mas informashon:
Gobièrnu di Boneiru

www.bonairecrisis.com

Liña di informashon virus di korona:
0800 0800

Sifra di bakunashon COVID-19

Kantidat di hende ku a pasa angua **minimalmente** un biaha: **12763 + 59**

Kantidat total di hende ku a haña e promé i e di dos angua: **6282 + 244**

Kantidat total di hende ku a registrá pa bakunashon: **12934 + 59**

Te ku: 06-05-2021

Kantidat di e di promé i e di dos angua di e dia promé

#BANBAKUNÁ
Registrá awor!

www.boneirukrisis.com
0800 0900 (grátis)


MAMA, TIN UN KU TA MIRA
Skritura: Génesis 16: 6-13

“...Bo ta un Dios ku ta mira...” vs 13 (BS)

Siendo hóben, mi a partisipá den un komedia pa dia di mama ku a hasi mi kurason hopi doló. Ta trata aki di un yu rebelde, ku a despresiá su mama dor ku su mannan tabata masha mahos. E kueru di su mannan tabata asina rel pa mira, ku e yu no kier a laga su amiganan sera konosí ku su mama. Tur momentuo e tabata papia mahos ku su mama i insult’é. E mama a sintié tristu, humiá i rechasá, pero tur dia ku santu amor e tabata dediká na su yu rebelde, trahando duru pa e yu kome i bisti, miéntras ku e mes tabata sufri. Riba un dia e mama a disidí di konta e yu e historia di su mannan mahos; tabata un dia ku e yu tabata chikitu i e kas a pega kandela. E mama a spièrta den huma. “Mi yu”, tabata e promé kos ku a pasa den su mente, i e mama motivá pa amor a kore bai na e yu su kamber kaminda e kandela tabata. El a logra skapa su yu for di e kandela ma su mannan a kima i a keda mahos pa semper. Esei ta mama, semper motivá pa amor. Kisas bo tambe ta sufriendo rechazo i humiashon, pero tin un Dios ku ta mira. E ta mira bo doló i bo luchanan, E ta ku bo pa konsolá i sostené bo. Den e Skritura di awe Hagar komo mama tambe a sufri humiashon i rechazo, i e tambe a eksperensiá E man di Dios ku a yud’e skapa su yu. Dios ta mira i E ta yuda.

Miralda Paula-Frans
MAMA, SKLAMA NA DIOS KENDE TA MIRA,
E TA SALI NA BO YUDANSA !!

**Saká for di: Alimento Pa E Alma,
un produkshon di Trans World Radio Bonaire.**



Polis ta saka kachó for di pèrta

KRALENDIJK -- Alrededor di 2.45 or di atardi riba djáron 5 di mei, a dirigí un patrúya pa un kas en konekshon ku un tep ku ta maltratá kachónan einan. Na yegada e patrúya a bin topa ku dos yu di kachó den kouchi, den solo i sin awa. E agentenan por a nota ku e kachónan tabata sinti hopi

kalor debí na e manera di hala rosea pura i komo ku nan tabata intrankil. Komo ku no tabatin niun hende na kas a disidí pa pone e kachónan den sombra i a duna nan awa. A tuma kontakto ku e doño di kas. E polis di barío lo sigui monitoria e situashon aki.

Oudishon talento nobo

KRALENDIJK -- básiko di grupo 3, 4, 5, 6, 7 i 8. I alabes pa e muchanan di enseñansa avansá di grupo 1, 2, 3, 4, 5 i 6. Por Inskribí via di nan meil dsdkantoor@gmail.com, tambe yama na 717-1529 òf pasa na Kaya Italia 9 pa tur informashon tokante e oudishon.



FUNDASHON CAS BONAIREANO

Petishon deskuento temporal di hur 2021

NOS TA SUPLIKA TUR HURDO
PA SIGUI E INSTRUKSHONNAN DEN NOS KARTA TOKANTE
'PRIJS DI HUR I DESKUENTO TEMPORAL'.

Entrante 3 di mei 2021 te ku 31 di mei 2021 por hasi petishon pa deskuento temporal riba e preis di hur stipulá den e karta.

NO TA TUR HENDE TA BINI NA REMARKE PA
RISIBI E DESKUENTO DI HUR.
Ta dependé di e entrada familiar den e kas.

Hasi Bo petishon online via www.fcb.live
Pa esun ku no por yen'e online, por pasa buska e formulario na nos ofisina.

Pa pregunta tuma kontakto via telefòn 717-8042,
whatsapp 599-7966016 òf mail woondiensten@fcbinfo.org.

Un boka bisa otro... entregá di Bo AWE mes!!!



ENTIDAT PÚBLIKO
BONEIRU



PARTISIPASHON

ORDENANSA INSULAR MANEHO DI NATURALES A BONEIRU

Kolegio Ehekutivo di Boneiru ta partisipá ku ta pone e siguiente petishonnan pa pèrmit na disposishon pa tur hende mira durante dieskuater dia:

- Dispensashon na benefisio di aktividat den parke di naturalesa na enkargo di Eco Vision
- Dispensashon na benefisio di aktividat den parke di naturalesa na enkargo di Florida State University
- Dispensashon na benefisio di aktividat den parke di naturalesa na enkargo di Florida State University
- Dispensashon na benefisio di aktividat den parke di naturalesa na enkargo di University of Aruba
- Dispensashon na benefisio di aktividat den parke di naturalesa na enkargo di Wageningen University and Research
- Dispensashon na benefisio di aktividat den parke di naturalesa na enkargo di Wageningen University and Research
- Konstruí un muraya pa wanta awa/tera na Kaya Neerlandia, Boneiru
- Konstruí un muraya pa wanta awa/tera na altura di Kaya Gob. N. Debro, Boneiru
- Renobashon di un muraya pa wanta awa/tera na altura di J.A. Abraham Boulevard, Boneiru
- Konstruí waf i semehante na altura di Kaminda Sorobon, Boneiru
- Konstruí waf i semehante na altura di E.E.G. Boulevard, Boneiru
- Konstruí waf i semehante na altura di E.E.G. Boulevard, Boneiru
- Konstruí waf i semehante na altura di Kaya Rotterdam, Boneiru
- Renobashon di un waf na altura di J.A. Abraham Boulevard, Boneiru
- Realisá aktividat empresarial den parke di naturalesa na enkargo di Kiteboarding Bonaire N.V.
- Realisá aktividat empresarial den parke di naturalesa na enkargo di Bon Parasail B.V.
- Realisá aktividat empresarial den parke di naturalesa na enkargo di Bon Bini Carrental
- Realisá aktividat empresarial den parke di naturalesa na enkargo di onaire Eco Experience N.V.
- Realisá aktividat empresarial den parke di naturalesa na enkargo di Epic Nautico B.V.
- Realisá aktividat empresarial den parke di naturalesa na enkargo di The Ginger Flamingo
- Realisá aktividat empresarial den parke di naturalesa na enkargo di Above & Below Aqua Services B.V.
- Realisá aktividat empresarial den parke di naturalesa na enkargo di Patrick Divers
- Realisá aktividat empresarial den parke di naturalesa na enkargo di 4 Wheel Diving
- Realisá aktividat empresarial den parke di naturalesa na enkargo di Jibe City N.V.
- Realisá aktividat empresarial den parke di naturalesa na enkargo di Aqua Adventures Bonaire B.V.
- Realisá aktividat empresarial den parke di naturalesa na enkargo di Cayenne E.Z.
- Realisá aktividat empresarial den parke di naturalesa na enkargo di Dushi Watersports
- Realisá aktividat empresarial den parke di naturalesa na enkargo di Salty Tours Bonaire B.V.
- Realisá aktividat empresarial den parke di naturalesa na enkargo di Blue Sail Sports
- Kap un palu (Palu di kwi) na altura di Kaya Theresa Ilario, Boneiru
- Kap un palu (Palu di wiri) na altura di Kaya J.A. Abraham Boulevard, Boneiru
- Kap diferente palu i kadushi na altura di Kaya Nikiboko Sùit, Boneiru
- Kap diferente palu i kadushi na altura di Kaminda di Lac, Boneiru

Disponibel pa tur hende mira

E petishonnan pa pèrmit a base di e Ordenansa Insular manejo di naturalesa Boneiru di akuerdo ku artíkulo 19, insiso 3 te ku 5 ta disponibel pa tur hende mira for di 10 te ku 23 di mei 2021 Pa mira e petishonnan pa pèrmit bo por mèldu na ofisina di Direktorado di Planifikashon i Desaroyo na Kaya Amsterdam 23 na Boneiru. Orario: di djaluna te ku djabièrni entre 9.00 i 11.00'or.

Prosedura

Durante e término ariba menshoná ku nan ta disponibel pa mira tur hende por tuma nota di e petishonnan pa pèrmit. Solamente interesadonan por entregá opheshon por eskrito dentro di e término aki na:

Kolegio Ehekutivo di Boneiru,
Kaya Grandi 51,
Kralendijk, Boneiru.

Un interesado ta un persona natural òf un persona hurídiko ku ta keda direktamente afektá den su interes.

Gezaghebber,
E.E. Rijna

Sekretario,
W. Pelk



Sra Christel Engels

Ehersisio na gym ta hopi esensial pa un bida saludabel

KRALENDIJK--Sra Christel Engels ku ta manehá tres alokashon di gym preparando pa e di kuater ku lo habri pronto, den entrevista e siman aki ku nos redaktor deportivo Ibi Piar, a bisa ku enbèrdat nan ta hopi kontentu pa nan mes i pa pueblo di Boneiru ku e gymnan a habri bèk, pasó awó mas ku nunca, e ta kere ku tur hende a realisá ku hasi ehersisio ta un parti hopi esensial p'abo ta salu-

dabel den bo bida, prinsipalmente momentu ku tin algu manera un Covid-19, ki impakto esei tin i tambe pa nos tur ta mas saludabel posibel. Nos ta logra esei dor di move, anto e gym ta un alternativa pa esei.

Pues nan ta felis pa nan mes i pa henter pueblo di Boneiru, ya ku tur a anhelá pa e gymnan habri bèk, pasó einan bo ta sinti ègt ku algu no ta normal sin gym i kubo tin ku move.

Segun sra. Engels, nan mes a sinti i mira ku duran te ku nan tabata será, kon malekon ku Seru Largu, kuantu hende a bai kana momentu ku e gymnan no por a habri. Kanamentu ta algu hopi bon bèrdat, pero bai gym tin mas variedat, tin mashinnan i tambe e ta algu hopi sosial.

Tambe t'asina ku ta wak e salú físiko, pero e salú mental tambe ta konta, anto e salú mental bai gym topa

ku hende, hasi ehersisio huntu ta hopi bon pa esei.

Awó nos tin ku tene kuenta ku Covid, pero e ta algu ku ta yudabu den tur sentido. Sra. Christel Engels ta kere ku ta algu tremendo ku sentronan di gym por a habri nan portanan bèk.

Mas aleu riba nos pregunta, sra. Engels a bisa, ku aworakí nan tin tres lokashon, tres diferente gym.

Esun di mas grandi ta esun den Playa ku tin mas

ku mil miembro, pues momentu ku tin ku sera ta basta hende ta sinti esei.

Tambe den Playa tin Body Fit Bonaire ku tambe mester a sera i tin un di tres lokashon na Hato.

E bon di e lokashon na Hato ta, ku e ta totalmente na airu liber.

E ta bou di tèt anto esei a pone ku den e temporada ku hopi hende mester a sera, e lokashon ei por a keda habri.

Di akuerdo ku sra. Christy Engels

No ta tur hende a bin gym bèk mesora despues ku a habri

KRALENDIJK--Segun Sra. Engels ku ta manehá e gym na airu liber na Hato, no ta tur hende a bin bèk gym mesora momentu ku e bisa ku gymnan por habri bèk.

Nos a puntra sra. Engels kuantu hende ta bishitá e lokashon na Hato, pa kua e la bisa ku e kos ta asina, ku ora gymnan a habri bèk, di mes e hendenan mester kustumbrá bèk i pa bin bèk.

Pues bo ta hañabu ku tur hende ku tabata bin gym, no ta bin bèk mesora.

Dikon?

Pasó tin hende ku ta fanátiko di gym i einan ta konta e oranan pa nan dren ta bèk.

Pero tin hende ku tin nan ritmo, nan skèdjel, nan trabou, nan yunan, anto nan tin ku hinka nan skèdjel den otro pa nan por yega gym, sabiendo ku ta algu ku nan mester hasi pa nan mes, ku nan tin ku bai gym ya ku e ta saludabel pa nan mes.

Pero tin un drèmpel pasó no ta tur hende tin tur tempu tur dia, pero bo sa ku e ta algu esensial i bo tin ku

traha tempu p'e.

A sera pues pa seis siman, e seis siman ei no tabata den nan skèdjel mas i diripente e la habri bèk.

Pues no t'asina ku tur hende ta kore bin gym mesora bèk.

Nan tin ku kuminsá hinké den otro atrobe, por ehèmpel ken ta wak e muchanan, ki ora ta mas mihó pa nan bai gym, pasó di mes trabounan tambe a kuminsá i tin menos tempu liber.

Pero tiki tiki bo ta mira ku nan ta bin bèk segun sra. Engels a bisa den entrevista.

Di nan parti di akuerdo ku sra. Engels, nan ta yama nan klientenan bieu pa bin gym.

Awokí tambe ya ku nan sa ku e ta importante pa bin gym, nan tin un "special" na e gym den Playa ku e luna aki ta kompletamente grátis.

Despues bo ta paga un kontrakt di seis luna, pues tur hende por yega bin gym.

Despues di e temporada ta ripará ku e ta difísil pa hopi hende, e Covid tabatin

su efèktnan den tur sentido, tambe e sentido finansiero pa hopi hende.

Mas aleu riba nos pregunta sra. Engels a bisa ku nan ta habri den Playa di 5'or di mainta pa 10'or anochi, anto e dos otro lokashonnan ta habri di 6'or mainta pa 10'or anochi.

Den luna di sèptèmber di e aña aki nan ta kuminsá o sea ta habri un otro lokashon, un di kuater lokashon ku ta na Delfins Hotel.

Esei ta un gym será tambe ku èrko, pero debí na e situashon di Covid a tene hopi na kuenta kiko ta saludabel i instalá tambe un

sistema di filter pa airu di manera ku tur hende por hala rosea ku airu ku ta renobá.

A instalá un sistema ku kada bes e érko ta kue airu djafó i ta supla esaki, esta supla airu fresku.

E lokashon aki lo no tin mesun entrada ku pa e turistanan ku ta keda den hotèl, e tin su mes entrada di manera ku hendenan lokal tambe por bishitá e lokashon di gym aki hasiendo uso di e entrada apart for di entrada di e hotel, segun sra. Christel Engels a splika.

Tambe nos a puntra sra. Engels, kuantu tin ku paga

por ehèmpel pa bishitá un di e sentronan di gym ku nan ta manehá, di kua e la bisa ku tin diferente pakete, diferente preis pues.

Pa kuminsá tin un preis di 55 dòler pa luna, loke ta enserá hopi kos.

Bo ta hasi fitness inlimitá tur dia anto bo ta haña tur lès tambe.

Anto nan tin de todo un poko, dependé kiko bo gusta, por ehèmpel yoga, si bo gusta kickboxing, si bo gusta e baile di Zumba tambe por.

Tur loke bo gusta i ta deseá ta ofresé na e kliente pa por skohé, segun sra. Engels a splika.

S.V. Estrellas mester di boluntario

KRALENDIJK--Direktiva di s.v. Estrellas di Nort Saliña, den komunikado e siman aki, ta partisipá ku awó nan tin un tim mas di futbòl hubenil aserka ku ta U-7.

E direktiva ta partisipá ku awó ku e medidanan a baha poko, nan lo kominsá bèk den ful treinen ku tantu e kategoria di U-nan i se-

niornan.

S.V. Estrellas tin mester di boluntarionan pa yuda ku treinen pa ku e hubenilnan.

Esnan ku ta interesá i ta deseá pa yuda e chikitunan di S.V. Estrellas, nan por tuma kontakto ku e Komishon di Aktivitat òf ku e kordinadó di e U-nan ku ta Germain Alberto na sel

785-1566.

Direktiva di s.v. Estrellas ta konta ku boso apoyo pa bienestar di e muchanan.

Awó s.v. Estrellas ta konsisti di senior, U-13, U-11 i U-7.

Presidente di S.V. Estrellas ku ta sr. Ricardo (Cado) Alberto ta konta ku boso sosten pa ku e futuronan di e ekipo aki.



Loke niun hende por kita di mi, na mi konsepto, ta mi amor pa Boneiru. Mi stima e isla aki i mi no tin idea di skit bai ningun kaminda. Ta aki mi mama a pari mi, aki a dera mi lombrishi i ta aki lo dera mi kaver ora ta asina leu. I tanten ku mi ta hala rosea, tur mi akshonnan lo ta dirigí pa hiba Boneiru dilanti i pa salba e isla aki for di e man di burdugunan ku, haragan pa sèn, ta dispuesto di leshoná naturalesa di nos Boneiru, basta ku nan saku ta yen. Esaki ta enserá tambe ku, na sierto momentu, mi tin ku drenta lucha kontra hendenan ku ke destruí e isla aki. E burdugunan aki. I mi ta determiná pa hasié.

Solamente algu mas ku un aña di mi bida m'a biba pafó di Boneiru, esta na Aruba na 1974/75, kumpliando ku serviso militar. Kasi m'a skohe pa finalmente keda biba na Aruba, na unda mi dos rumannan Erika i Nonoi tabata biba den e tempu. Na último m'a skohe tòg pa Boné!

Anteriormente e siman aki m'a skirbi kaba ku Boneiru ta dushi, pero ku ta sierto hende, mas bien 'elemento', ta leshoná e isla aki ku nan aktitut, ku nan ekspreshonnan, plamando e poblashon aki fo'i otro. Nan ta planta simia di rabia i odio, pone hende kontra hende, rasa kontra rasa, lubidando i ignorando nan mes rais.

Loke mi tin hopi problema kuné -- m'a yega di skirbié kaba den pasado -- ta e forma kon NKBB i algun otro tipo ta agitá kontra 'makamba'. Nan ta lubidá ku si e habitantenan di e isla aki ku ta yama nan mes 'boneriano outéntiko' òf 'boneriano puru' mester hasi un tèst di DNA pa sa nan orígen, nan lo topa un porshon grandi di rastro hulandes oropeo. Hopi fam kaba na Boneiru ta muestra nos orígen oropeo: Hart, Boekhoudt, Semeleer, Evertsz, Muller, Craane, Dammers, Engelhardt, de Jongh, Ranés, Anthony, Thodé, Neuman, Pourier, Provence....etc

Apesar di tur kos, mi ta sigui stima e isla aki i lo no skit bai niun kaminda. Esaki ta mi tera, mi ambiente, mi hendenan. Mi por bisa ku ami sigur, huntu ku algun otro boneriano mas, lo keda tras pa paga lus..... ora ku ya no tin otro hende mas bibá riba e isla aki.

Relashoná ku situashon di tankinan na aeropuerto

PRESHON PISÁ DI ILT RIBA OTB I CUROIL

KRALENDIJK – Inspectie Leefomgeving en Transport (ILT), un instituto hulandes, ta poniendo preshon enorme riba Oil Trading Bonaire i Curoil pa regla e tanki i otro instalashonnan di kombustibel pa avion na Aeropuerto Flamingo. “ILT ta konstantemente riba nos”, e presidente di konseho di supervishon di Oil Trading Bonaire (OTB) a trese dilanti. Patrick Newton, direktor di OTB, a kompartí e ponensia aki.

Patrick Newton a bira direktor di OTB na sèptèmber aña pasá despues di un temporada turbulento ku e kompania gubernamental a pasa aden, ku a resultá den keho kontra e direktor anterior na hustisia.

Urgente

Segun Newton den un presentashon na Konseho Insular, ta sumamente urgente pa hasi reparashon i adaptashon na e instalashonnan di OTB riba tereno di Aeropuerto Flamingo, inkluso na e pir pabou di aeropuerto na unda embarkashon ta bin deskargá

kombustibel. Konseho Insular mester a duna su aprobashon na un montante ku falta pa terminá e trabounan aki, pa asina kumpli ku eksigensianan di ILT.

“ILT ta pone hopi preshon pa regla e aspektonan di siguridat kontra kandela. Pa atendé esaki a traha un presupuesto di 2.5 mion dòler. Diferente eksperto a traha riba e presupuesto. Mayoria finansiamentu ta kla. Solamente un delaster kapital ta hasi nos falta”, Newton a trese dilanti.

“Diferente eksperto a traha riba e presupuesto. Ekspertonan di entre otro e ministerio di IW (Infrastructuur en Waterstaat), usando un método ku nan ta usa na Hulanda pa kalkulá gastu. Brantwer di Hulanda Karibense tambe tabata embolbí den e trayekto aki. Huntu ku ILT a aprobá un plan di ingenieria. Hopi hende i instansia mas a wak e plan.”

Di akuerdo ku Patrick Newton, refiriendo na loke presidente di hunta di komisario di OTB Freddy Curiel a bisa, di ningun manera OTB no por generá



Direktor di OTB Patrick Newton.

plaka pa inverti den siguridat di kandela.

Atvertensia

ILT a duna Curoil, ku tin lisensia pa manehá e tankinan, un atvertensia ku e proyekto mester finalisá na fin di sèptèmber pa kuminsamentu di òktober di e aña aki. OTB tin bon kontakto i regular ku ILT, pero esaki no ta kita ku nan ta kategórico den nan posishon.

“Nan ta komprondé nos situashon. For di medio aña pasá mester a kuminsa ku e proyekto aki pa drecha e siguridat di kandela na e

tankinan aki, pero no tabatin fondo. Fin di aña pasá a kuminsá ku e promé fase. ILT sinembargo ta kla den su posishon.

Si no kumpli nan lo por duna Curoil un ‘dwangsom’, ku riesgo asta ku na sèptèmber ta para e operashon na aeropuerto”, segun Newton.

Tankinan

Mas importante awor aki ta pa drecha tanki nr. 100. Esaki ta rekerí un invershon di 260 mil dòler. Na e momentu aki tanki nr. 200 ta den uso. Despues ku drecha tanki 100, lo mester bai inspektá tanki 200 tambe i despues hasi reparashon.

Newton: “Di mes mi no sa kiko lo sali for di e inspeksion di tanki 200. Pues banda di aspektonan di siguridat di kandela na e instalashonnan, e tankinan mes tambe mester di mantenshon. Basta desafio nos tin i nos ta spera di por haña e fondonan nesario.”

E ‘jetty’ tambe mester di mantenshon. E ta desaprobá. A yega na un dil ku ta kosta 20 mil dòler pa dreché. A hasi e trabounan i e ta bon por lo ponto.



Kondishon di e waf ta bon por lo pronto.

Un hòmbèr ku a disfrutá di bida

Kaya Korona, anteriormente yamá Koninginneweg, e kas na unda el a biba parti grandi di su bida, pa Eddy tabata e kaya mas importante di Boneiru. Eddy tabata un persona ku a gosa di su bida. Su beinam tabata Eddy Gatiero. Su amigunan di mas yegá por a usa e beinam aki sin ku e tabata Gatiero. Mi a yega di riska puntr'é dikon tabata yam'é Gatiero. E no a rabia. Den e programa di televishon Herensia el a yega di konta di su bida.

Eddy a lanta den un famia di kuartu yu. Nan tata tabata Marti Bernabela i nan mama Cleana de Jongh, hopi relatá na famia Soliana di Antriol Pabou. E tres otro rumannan di Eddy tabata Dòl, Bècho i Carlita. Dòl, kende a bira un konosido reshèrshi na Aruba, a fayesé promé. Despues Eddy a muri, seguidamente Carlita i Humberto (Bècho).

Despues di e morto di nan mayor nan Eddy, Bècho i Carlita a sigui biba den e kas na unda nan a lanta. Un kas bunita, ainda ku su bentananan di yalusí original, semper bunita di fèrf. Trabou di Eddy, ku sigur un bia pa aña tabata fèrf e kas aki.

Infansia

Eddy a konta ku el a nase den un otro kas den kurá. Te ainda e kas ei tambe t'ei ku su forma úniko. Un kas largu. E kas ei originalmente tabata un kas di bara ku a sali riba pòstkart den pasado. Tokante e kas den kua nan a biba despues Eddy a konta: "Papachi Damascus a traha e yalusinan. Mèslanan Chandi Wanga, Antonio (Toni Kansion) Rosaria i Jaco Janga a lanta e kas. Ora ku mester mi ta dal e kas aki un fèrf. Tin bia un bes pa aña."

Eddy: "Mi a lanta den e kas aki, Kaya Korona 94, ku ántes tabata numerá Antriol 202. Mi a nase na 1929 i ta un 'real' boneriano."

"Komo mucha bida no tabata fásil. Ami a lanta ainda den e tempu ku mester a bai kue awa na Pos di Amor, sea ku buriku òf kargando latanan

ku awa riba kabes. For di Tanki Abou tambe nos sa saka awa. Di tur mi rumannan, ta ami so, komo mayó, a hasi e trabou aki. Despues mi mayornan a traha e kas nobo ku renbak i mas despues a bini 'waterleiding'.

Ora ku Eddy a lanta huntu ku su otro rumannan situashon finansiero di e famia no tabata kos di kanta makamba. Pero despues su tata a haña trabou primeramente na CPIM (Shell) na Kòrsou i seguidamente na Lago Oil & Transport Company (Esso). Marti a kuminsá ta manda pòstwesel Boneiru. Tabata den tempu di ekonomia di pòstwesel. Situashon finansiero di e famia a bira konsiderablemente mas mihó. Marti a nabegá semper, promé riba barkunan di bela, despues riba tènkanan di CPIM i Lago.


Marti, tata di Eddy, tabatin un kunuku. Pero su mama Cleana i nan komo yunan nunca a gusta kunuku. Marti sí a stima su kunuku i despues ku el a baha ku penshun el a keda atendé basta aña ku e kunuku aki, na unda e tabata kria bestia i planta den temporada di yobida.

Skol

"Nos a lanta den un famia bon katóliko. Na skol fraternan tabata obligá nos di bai misa tantu djasabra komo djadumingu mainta. Si bo no bai misa frater ta puntra dikon bo no a bai. Bo mester a bini ku un bon splikashon. E tempu ei ta solamente misa di Playa tabatin. Misa di Antriol, ku ta mas pegá ku nos kas, a bini hopi

Inlubidabel ©

Bòi Antoin



Edwin Nicolaas Bernabela.

tempu despues", Eddy Bernabela a konta.

"Mi a bai skol di frater, St. Dominicuschool, na Playa. Awa tabata kai hopi den e tempu ei. Tin bia tabatin asina tantu yobida ku nos mester a keda dos pa tres dia sin bai skol. Tur kaminda tabata di tera. Roinan tabata kore, tur kaminda tabatin lodo i bo no por a kana bai skol."

Eddy ainda ta kòrda e frater i maestronan ku el a topa na St. Dominicuschool den añanan trinta kuminsamentu di kuarenta. E tabata kòrda fraternan Dionisio i Beatus, menernan Charles Beukenboom, Carlito Nicolaas i Shon Bubu Booi. "Fraternan tabata bon ku nos. Mi no tin nada malu di bisa di nan. Nan a trata nos bon. Si fraternan mester bini bèk nan lo krea otro hende, mihó hende, na Boneiru. Mi tabata siña bon. Semper mi rapòrt nan tabata bon, pero mi no por a sigui studia, pasobra mi mayornan no por a paga esaki".

Beinam

Un maestro ku nunca Eddy Bernabela a lubidá ta Charles Beukenboom, mener Charles, manera tabata yam'é. Mener Charles a duna masha hopi mucha ku a pasa den su klas un beinam. Eddy mes a skapa, segun e ta bisa, pero na grandi nan a kuminsá yam'é Gatiero, pasobra e lo tabata gusta gatia beter.


Eddy: "Mener Charles a duna Micho Reina, ku tabata den nos klas, e beinam di Fonograf. Mi no sa dikon. Mi ruman Bècho a haña e beinam di Apekop, na papiamentu Kabes di Makaku. Hopi mucha mes a haña beinam serka mener Charles. Esaki tabata manera su spesialidat. E muchanan por a rabia, pero nan no tabata oponé kontra e mania aki di mener Charles."

Frater i maestronan di St. Dominicuschool tabata severo. Si un mucha no komportá su mes, e por a haña sla. Eddy mes a yega di haña ocho sla ku palu un bia serka frater, pasobra el a hasi ko'i mala mucha. Nunca Eddy a konta su mayornan di e sota aki ku el a haña serka frater, pa temor di no haña mas aserka.

Eddy Bernabela: "Muchanan di e tempu ei por tabata mala mucha, pero di otro banda nos tabata humilde. Nos tabata tende di nos frater i maestronan. Si nan suta bo na skol i bo yega kas i bisa esaki, bo tabata haña mas sota aserka, pasobra mayornan di e tempu ei tabata kere siegamente den frater i maestronan. Si nan a suta bo na skol, ta pasobra bo a hasi malu i na kas mester a kompletá e kastigu. Nos a pasa bon na skol."

Lago

Eddy Bernabela a konta ku e tabata siña bon. El a kaba tambe 'zevende klas', ku tabata e nivel di mas haltu di



Aki por mira e kas di bara ku tabata originalmente den kurá di famia Bernabela.

enseñansa ku tabatin tempu ei na Boneiru. Komo ku su tata, Marti, tabata traha mientrastantu na Lago, Eddy a haña oportunidat pa bishitá 'Lago Vocational School' na San Nicolas, Aruba. Esaki a dun'é oportunidat pa siña un fishi. Di tur fishi ku el a siña na e skol aki di Lago, esun di fèrfdó a kai mas na su smak.

Despues di a sigui 'Lago Vocational School' durante kuater aña Eddy a skohe pa laman, esta pa bai nabegá na bordo di e tènkernan di 'Lago Oil & Transport Company', e kompania naviero di Esso. Pero promé ku esei el a traha un periodo kòrtiku komo operator den e planta di Lago.

Ku plaser Eddy Bernabela a mira bèk riba e tempu ku el a nabegá. El a disfrutá di e periodo ei den su bida, pasobra el a konosé diferente pais den region. Pa kuminsá Venezuela, na unda e tènkernan (lake-tankers) di Lago tabata bai buska petroli krudo pa refiná na Aruba. Tambe el a nabegá na bordo di e tènkernan ku tabata hiba e produktonan refiná di petroli e isla i paisnan den region di Caribe.

Dushi tempu

Eddy a kontá: "Mi a nabegá un par di aña na Lago. Den e temporada ei mi a bishitá Puerto Rico, Cuba i Merka. Un bia nos a keda seis siman Miami ku tur kos pagá. Mi a nabegá mas tantu sinembargo na Venezuela. Bo tabata kome i bebe bon na bordo di tènkernan di Lago. Tur dia tabatin eiskrim despues di kuminda. Dia di Pasku i na kambio di aña nos tabata bebe manera porko. Especialmente e kuminda tabata bon. Tabatin kòki anti-ano i tambe internashonal. Ami tabata risibí un sueldo di 300 florin na Lago, loke den e tempu ei, añanan kuarenta i sinkuenta, tabata hopi plaka. Mi a nabegá despues di guera. Mi tata sí a nabegá den tempu di Segundo Guera Mundial, pero nunca a pasa den e atakenan di supmarino aleman."

Eddy a kontá ku ora ku e tabata liber e tabata baha for di tènker pa bai keiru na tera. E tabata sali pa wak e 'chick'-nan. E siudatnan venezolano ku el a konosé hopi bon na e okashonnan ei tabata Las Salinas, Cabimas, Maracaibo. E lugá ku el a gusta mas tabata Puerto Rico. Na Puerto Rico i Cuba tabatin mucha muhénan bunita ku a hasi hopi impreshon riba Eddy. Pero na Cuba tambe.

"Mi a pasa bon na Lago. Mi tabata 'mess boy' ku tabata sirbi tripulantenan. Bonerianonan ku ken mi a nabegá tabata entre otro Cristobal Amelia i Lan Emerenciana. Tabatin mas, pero nòmber di e dosnan aki ta dreña mi mente aworakí. Kos di kabes bruá a pone ku mi no a keda traha hopi aña na Lago. Mi a traha despues komo bewaker na Shell. Bo mester a bai skol un aña pa siña komo bewaker. Bo mester a siña traha rapòrt pa haña lisensia di polis ekstra-ordinario. Mi a traha komo bewaker na Emmastad, Suffisant, Julianadorp i tambe na e kantor prinsipal di Shell. Mi tabatin outorisashon tambe pa karga arma."

Fundashon Arte i Industria

Den añanan setenta Eddy, siendo bèk na Boneiru, a bai traha na e tayer

di Fundashon Arte i Industria Boneriano (FIAB). Seis aña el a traha pa e fundashon aki. "Mi tabata 'counterpart' di un eksperto di UNDP (United Nations Development Program) ku a bini pa stimulá produkshon di obranan di arte i artesanía na Boneiru. Mi tabata hefe interino. Eddy Frans tabata direktor. E eksperto aki tabatin hopi konfiansa den mi. Nan a buska un par di hende pa siña pa traha arte i artesanía pa bende ku turista. Willy Wanopa tabata un di nan. Chu Bernabela tabata maestro den kurtimentu di kueru. Tabatin ademas Japi Molina, Tirso Hart, Donny Winklaar, un maestro den 'wood-carving'. Max St. Jago tabata un bon karpinté. Nos a kuminsá ku e tayer aki na 'skol di meester'. Ei un eksperto di UNDP a siña nos kon pa traha diferente obra."

Eddy den e entrevista pa Herensia a bisa ku ainda e tabata kere ku Boneiru por a rebibá artesanía ku bista riba turismo. El a lamentá ku Fundashon Arte a dispersé.

Despues di FIAB Eddy no a traha práktikamente mas. El a kue djòp un par di luna na St. Maarten. E mester a fèrf kas di algun polis despues di orkan. Su ruman Dòl, ku tabata na St. Maarten e tempu ei, a sòru pa el a haña e djòp aki. "Mi a gana hopi plaka den e lunanan ei. No un tiki, sino hopi sèn....."

Eddy, meskos ku su rumannan Carlita i Bècho Bernabela, nunca a kasa. Nan a keda semper soltero. Pero Eddy, manera e mes ta bisa, tabatin su 'chick'-nan. "Mi a disfrutá di bida. Bai kasino, wak e galiñanan, dal mi glasan di rome-coke tur dia. Tur dia mi ta dal sigur ún. Si bebementu tabata afektá salú, masha dia lo mi no tabat'ei. Kuarenta aña pasá mi a stòp di huma, pero semper a sigui dal mi beternan."

Despues ku Eddy a muri su ruman muhé Carlita a muri. Finalmente Humberto (Bècho) tambe a bai, lagando un bashí atras riba Kaya Korona. Nan kas a keda bashí, pero bunita pará

komo un adorno di Kaya Korona. Lástima sin su habitantenan mas.

Eddy Bernabela, e hòmer semper bon bistí i kanando yen di melodia, te

awe ta hasi falta serka esnan ku a konos'é.

Pero su rekuerdo ta keda tras. El a bira inlubidabel.



E kas na unda Eddy a nase, pa despues move pa e bunita kas ku su mayornan a traha den mesun kurá.



Trato na bordo di tènkernan di Lago tabata hopi bon.





CHANTIWAWA RIBA RÒNDU

Pai Bòl' Antoin

Playa Grandi i Lasana

Kada kaminata di Chantiwawa ta diferente. Djadumingu ei den konstelashon chikitu, pendiente medidanan pa baha na nivel mas abou di Covid-19, nos a bai kana den área di Playa Grandi i Lasana. Tantu Playa Grandi komo Lasana ta keda den e área nort-nortwèst di Rincon.

Playa Grandi ta un barrio di famia.

Famianan Coffie, Neuman, Molina, Thodé i mas. Hendenan di Rincon sa yama e habitantenan di Playa Grandi tambe 'hendenan di laman di nort'. Playa Grandi ta referi na un playa grandi na e kosta nort di Boneiru. E ta situá nèt pariba di e kurá di piedra di Washington.

Pabou di Playa Grandi, na algun shen meter di distansia, tin tambe Playa Chikí i un tiki mas pa-

bou Boka Chikí. Alrededor i entre Playa Chikí i Boka Chikí tin yen di santu (duinen). Chantiwawa a yega di kana den e área di Playa i Boka Chikí kaba.

Kompa Tili

M'a sera e chantiwaweronan konosí ku Cecilio, alias Kompa Tili, Thodé. Ta un persona ku m'a entrevistá hopi bia den mi trabou komo registradó di historia, kultura i naturalesa. El a bini na porta di kurá i a kuminsá basha 'bou tokante ántes. Ketu bai, no opstante su edat haltu di 92 aña, Kompa Tili ta kòrda kosnan di ántes hopi bon. Pero bo ta mira sí ku awor e añanan a kuminsá konta.

Un tiki mas pabou nos a pasa banda di kas di Caito ku Ichi, hendenan di Playa Grandi. Nos a para kombersá. Ichi a bisa ku porfin e por a mira miembronan di Chantiwawa personalmente. Un indikashon ku e grupo aki ta bon konosí.

Nos a sigui bai abou, eksplorando e área pabou dje barrio Playa Grandi, despues kita pa suít, pasa pabou di kunuku Tampico di famia Coffie i Thodé. Tampico tin dos entrada. Un parti suít i otro parti nort.



M'a yega di bishitá e kas di Tampico den pasado huntu ku Walter, ku a nase i lanta na e kunuku aki di su mayornan Olivero ku Clara Coffie-Thodé.

Thodé a yega e área di Playa



Grandi for di Nort di Saliña. Tantu Clara komo su promé kasá, Martins, tabata di Nort di Saliña. Un dia su kasá Martins a bai laman pa piska i nunca mas a regresá. Tabata den e segundo mitar di añanan binti di siglo pasá. Despues Clara, kende sa traha den plantashi Washngton, a topa ku Olivero i nan a kasa.

Sierra Maestra

Despues ku nos a pasa kunuku Tampico nos a sigui bai sùit, pa seguidamente drenta área di Lasana, ku su serunan bunita. Bunita bista. Tin diferente kunuku bandoná. Mi a konosé doño di diferente kunuku ei banda, manera Chali Martijn, Achi Martijn, Enriki Janga i otro Janga-

nan di Rincon.

Broertje Janga, e polítiko, tabata gusta Lasana. M'a kana kuné na algun okashon den e serunan aki, manera Se Bandera i otronan. Bunita paisahe.

M'a konta e chantiwaweronan di Broertje, mi amigu personal. Kon riba Se Bandera tin un pedestal na unda sa hisa bandera, p'esei su nòmber. Tambe kon Broertje sa den e serunan aki pa meditá. Te asta nos e kamper ku u grupo henter wikènt riba Se Bandera. Di mes mi a konta nan tambe kon Broertje tabata bai ku mi pa tira (no lasa) yuana pabou di Se Bandera. Su yu Bubuchi tambe sa bai ku nos.

Nunka mas mi ta lubidá kon



Broertje, durante un di nos kampananan den área di Lasana, tabata fulminá kontra Shon Garcia, kolumnista di La Prensa, kende den su kolumna 'Topicos Garcia' a yam'é un 'tijdsverschijnsel' i ku hendenan manera Broertje no ta polítikonan stabil.

Na 1969, kombiná ku Progresista, nan tabata un partido fuerte. Algun aña despues tur voto a bai.

Shon Garcia a skirbi despues ku Partido Obrero a pèrdè elekshon kontra UPB, ku e mihó kos ku Broertje Janga por wèl bai numa den 'Sierra Maestra' i grita pa e yatu i kadushinan. Pues, ku otro palabra, su karera polítiko a finalisá. I Shon Garcia tabatin rason. Nunka mas Broertje Janga a haña voto manera el a haña na 1969 i e elekshon despues.

Broertje Janga tabata yama e serunan di Lasana enbèrdat 'Sierra Maestra', e serunan na Cuba for di unda Fidel Castro, Che Guevarra i e otro rebeldenan di Battista tabata operá. M'a bisa e grupo ku nos mester bini bèk pa subi den 'Sierra Maestra'....



Hospital orguyoso di e tremendo sosten y profesionalismo di tur personal

ORANJESTAD -- Ayera mainta Dr. Horacio E. Oduber Hospital a tuma despedida di e ultimo pashent di Corsou. Un momento sumamente alegre pa Hospital y mas ainda pe team di profesionalnan di HOH cu a traha incansablemente pa brinda cuido tur dia y den e caso aki a habri brasa pa pashent di Corsou y Bonaire na comienso di april 2021. Dia 3 di april e prome pashentnan di Corsou y Bonaire a drenta HOH. Team di profesionalnan di HOH a brinda cuido na un total di 9 pashent Covid-19 di Corsou y 2 pashent di Bonaire di cual tur a ser admiti riba

riba cuido intensivo. Edad promedio di e pashentnan interna di Corsou y Bonaire tabata 56 aña, di cual e pashent mas jong tabatin 44 aña y e pashent di mas grandi 75 aña.

Tur e admisionnan aki tabata den transcurso di 1 siman, pues por imagina e impacto grandi cu e tabatin riba e profesionalnan den cuido na HOH. "Ora cu e pregunta a drenta pa ta solidario cu nos islanan ruman nos no a duda pa habri brasa pa nan, aunke Hospital di Aruba mes tabata yenando e momento ey cu mas pashent, asina dr. Benjamin Croes, intensivista



na HOH a conta. Dia 1 di april Hospital di Aruba a anuncia cu den cuadro di solidaridad y humanidad ta saca un man pa nos islanan ruman Corsou y Bonaire cu ta pasando den momentonan sumamente dificil. N'e momentonan ey HOH a escala, habri mas cama pa pashent di Covid-19 cu consecuencia cu algun operacion electivo mester a wordo cancela.

Ayera dia 6 di mei, Hos-

pital orguyosamente por bisa cu tur operacion electivo a start bek y ta brindando tur e cuido necesario na nos pashentnan cu ta nos prioridad. Hospital di Aruba kier a gradici Corsou y Bonaire pa' confiansa y tremendo colaboracion den e momentonan dificil cu nos ta pasando aden. "Ta un honor cu HOH por a extende un man y demonstra hermandad den momentonan di incertidumbre y ta

spera cu esaki ta comienso di mas colaboracion entre e islanan", asina drs. Jacco Vroegop di Junta Directiva a duna di conoce.

N'e personal di Hospital cu un bes mas a demonstra cu nan ta un team di profesionalnan capacita yena di solidaridad y hermandad un danki di curason pa tur loke boso ta hasi pa pashent.

Aruba un bes mas a demonstra di ta grandi!



Gran balor di pinturanan arkeologico riba baranca

ORANJESTAD -- Ultimamente, Museo Arqueologico Nacional Aruba (MANA) a ripara cu tin mas persona interesa den e sitioan arkeologico cu pintura riba baranca (pictographs). Tin mas hende cu ta disfruta di naturalesa dor di caminata y exploracion y ta bishita sitioan arkeologico. MANA ta constata cu satisfaccion e interes tambe den e catalogo publica na 2019 di pinturanan riba baranca na Aruba. Ta importante pa tur cu ta stima Aruba pa proteha y conserva nos naturalesa y nos patrimonio cultural. E experiencia na un sitio arkeologico cu pintura riba baranca ta unico. Aki ta bisto expresionnan di nos

antepasadonan.

E experiencia aki no ta igual cu na otro sitioan arkeologico na unda e rastronan no t'asina visibel. Ora nos ta contempla pinturanan riba baranca nos mester realisa cu mas cu mil aña pasa nos antepasadonan tabata n'e mesun sitio. Nan a scoge e lugarnan aki especificamente pa traha pinturanan cu awendia ta activa nos imaginacion. Te ainda nos no sa exactamente kico ta nan nificacion.

Sitioan arkeologico cu pintura riba baranca no lo tey pa semper. Pinturanan riba baranca ta hopi fragil. Dor di erosion, otro causanan natural y dor di intervencion humano ya tin cu a

bay atras of desaparece.

Pesey MANA ta enfatisa cu nos tur hunto mester cuida loke ta di nos pa nos patrimonio keda conserva.

Hopi ta depende di e bon voluntad di nos comunidad y afortunadamente tin hopi persona y instancia cu ta yuda proteha y conserva sitioan arkeologico. Na diferente ocasion persona y instancia sa tuma contacto cu MANA ora cu haya material y/of sitioan arkeologico, por ehempel ora ta coba fundeshi, of traha pool y caminda. Asina MANA a logra haci diferente excavacion di emergencia y a saca material arkeologico cu di otro forma lo a bay perdi.

Pa hopi aña MANA a boga pa incorpora un ley

pa proteccion di sitioan arkeologico. Lastimamente esaki no a bira un realidad ainda. Pero mester realisa tambe cu hasta unda a proteha sitioan arkeologico, por ehempel cu bara di hero y/ of unda ta monitoria e lugarnan, lastimamente ainda vandalismo sa tuma lugar.

Pesey MANA ta dedica hopi na educacion y conscientisacion di nos comunidad tocante nos historia indigena y su importancia. Den salanan di exposicion di MANA, cu ta habri gratis pa publico di dialuna pa diabierna di 9.30'or di mainta pa 4.30'or di merdia, e bishitante por haya un mihor bista riba nos herencia cultural.

Algun di e sitioan cu pintura riba baranca antes nan ubicacion no tabata asina conoci y esaki por tin su consecuencianan negativo. MANA a tuma nota cu ultimo a sali den medianan social informacion tocante un sitio di pintura riba baranca cu ta ser bishita mas ultimo tempo. A expresa preocupacion di daño y sushedad n'e sitio aki.

Museo Arqueologico Nacional Aruba (MANA) ta invita cualkier persona cu ta preocupa pa daño di cualkier sitio(nan) arkeologico na Aruba pa libremente tuma contacto cu e expertonan den arkeologia di Aruba na MANA, tel 582-8979 of via email dir. mana.aw@gmail.com

Dr. Dellanire Maduro, lo no bolbe den politica:

“Mi lo continua traha pa mi pais di un forma diferente”

ORANJESTAD -- Par-
lamentaria independiente
dr. Dellanire Y. Maduro
MD a asumi e responsabi-
lidad pa representa pueblo
den Parlamento di Aruba



27 di januari 2020 y a bira
e lider di fraccion femeni-
no mas hoben pa POR cu
a yega di existi den Par-
lamento di Aruba. Aña
2020 tabata e aña mas
difícil di gobernacion,
asina mes Parlamentaria
Maduro a traha cu hopi
determinacion y amor pa
nos pais. “E ta un honor
y un experiencia unico di
por traha den Parlamento,
specialmente den e aña
mas difícil di gobernacion
di nos pais. Nos a pasa un
aña di hopi incertidumbre
y un crisis sin precedente.
Pa algun luna caba mi
tabata deliberando kico
mi lo haci e aña aki.

Mi a sinta evalua con
mi lo sigui contribui na
mi pais, kico mi ta wak
mi mes ta haci den e aña
nan mi dilanti mirando
cu tin diferente forma pa
contribui na nos pais, cu
no necesariamente mester
ta riba un lista politico.
Durante e periodo aki den

Parlamento parlamenta-
ria Dellanira Maduro a
traha como Presidente di
Comision Fiho di Sa-
lubridad Publico, Asun-
tonan Social y Cuido di
nos Grandinan, un di e
comision nan fiho den Par-
lamento cu mas reunion
a hiba. Dellanira Ma-
duro a representa Aruba
den comision di Salud y
comision di igualdad di
genero den Parlatino, du-
rante reunionnan publico,
encuentro publico en-
tre otro a trece diferente
sugerencia na gobiernan-
tenan na beneficio di nos
pais, a vocifera preocupa-
cionnan, preguntanan di
nos comunidad, a haci
pregunta por escrito, a
haci peticion pa diferente
reunion, tambe a presenta
diferente mocion durante
reunionnan publico, a
sostene diferente ley im-
portante pa nos pais en-
tre otro.

Dellanire Maduro a
haal su titulo di licencia-
tura y doctorado na Cos-
ta Rica y a gradua como
medico general na 2016,
el a traha bou Wit Gele
Kruis brindando cuido y
guia na personanan cu
enfermedadnan cronico
manera diabetes y presion
halto. Cu 26 aña el a dren-
ta arena politico pa con-
tribui na su pais di forma
nacional, specialmente
den area di Salubridad
Publico.

El a traha 2 aña como
consehero medico na
Ministerio di Turismo,
Salubridad Publico y De-
porte unda el a forma parti
di e comision di AruBig,
a presidi comision cu a
atende cu e cambio di
ley di “beperking ta-

baksprodukten”, a ini-
cia concepto di proyecto
di screening (deteccion)
preventivo di NCDs (dia-
betes, presion halto entre
otro), duna conseho riba
diferente tema, a traha
hunto cu grupo di trabou
interministerial Special
Projects riba diferente
proyecto, organisa dife-
rente evento, tambe a
traha riba e plan nacional
cu ta atende cu problem-
atica di cacho riba caya.

Maduro ta splica cu
e no tabata un decision
facil, “Mi a yega n’e de-
cision cu mi no lo forma
parti di niun lista politico
e eleccion aki y cu mi
lo bay sigui contribui na
mi pais di otro forma cu
e mes un amor y deter-
minacion esey pueblo di
Aruba por conta riba dje.
Mi ta hopi orguyoso
como profesional y hende
muher di por a forma parti
di e Gobierno lidera dor
di Minister President mr.
Evelyn Wever-Croes, un
profesional femenino cu
tabata sa di dirigi nos pais
den un crisis sin preceden-
te den historia politico di
Aruba. Mi kier gradici un
biaha mas tur persona cu
a deposita nan confiansa
den mi persona durante
eleccion na 2017, tambe
na mi famia, coleganan,
personal di Parlamento
cu di un manera of otro a
yudami durante e periodo
aki.”

Terminando Dellanire
Maduro ta desea tur par-
tido politico exito den
e eleccion aki y ta urgi
pueblo pa haci uzo di nan
derecho di voto dia 25
di juni 2021 manteniendo
nos mes n’e reglanan di
prevencion.

Listanan di MEP I AVP

- | | |
|-------------------------------------|-----------------------------------|
| 1 Evelyn Wever-Croes | 20 Jaime Winterdal |
| 2 Xiomara Maduro | 21 Rudy Richardson |
| 3 Dangui Oduber | 22 Eddy Paris |
| 4 Glenbert Croes | 23 Roderich Lopez |
| 5 Rocco Tjon | 24 Gerrit Croes |
| 6 Arthur Vallejo | 25 Stephany Croes |
| 7 Hendrik Tevreden | 26 Shannon Henriquez |
| 8 Endy Croes | 27 Michella Lacle |
| 9 Edgard Vrolijk | 28 Erich Genser |
| 10 Alvin Molina | 29 Rodymar Geerman |
| 11 Shailiny Tromp-Lee | |
| 12 Guillfred Besaril | AVP |
| 13 Ady Thijsen | 1. Mike Eman |
| 14 Setty Christiaans-
Yarzagaray | 2. Mike De Meza |
| 15 Darlaine Guedez-
Erasmus | 3. Arthur Dowers |
| 16 SueAnn Ras | 4. Gerlien Croes |
| 17 Marco Berlis | 5. Rycond Santos Do
Nascimento |
| 18 Ricky Hoek | 6. Mervin Wyatt Ras |
| 19 Joe Koolman | 7. Robert Candelaria |
| | 8. Celene Kock |

- | |
|---------------------------|
| 9. Clifford Heyliger |
| 10. Marlon Sneek |
| 11. Jennifer Arends Reyes |
| 12. Sharon |
| 13. Carlos Bermudez |
| 14. Melvin Tromp |
| 15. Muza Wever |
| 16. Desiree Croes |
| 17. Oatmi Thomasa |
| 18. Wendrik Cecilia |
| 19. Gregory Bronswinkel |
| 20. Gioavnni Arends |
| 21. Michael Lampe |
| 22. Edu Vos |
| 23. Conni Connor |
| 24. Clarisa Dubero |
| 25. Juan Manuel Kelly |
| 26. Junior Croes |
| 27. Abigail Arends |
| 28. Norman Roos |
| 29. Benny Sevinger |

Gobièrnu ta entregá premio Cola Debrot na sra. Laura Quast

WILLEMSTAD – “Premio Cola Debrot” ta un premio riba tereno kultural ku for di 1968 ta otorgá anualmente na un persona òf organisashon ku a hasi trabounan meritorio riba tereno di arte. Tin diferente kategoria ku ta premiá: arkitektura, arte visual, baile, folklor, literatura, músika, teater òf siensia. Na aña 2020 a toka turno na e kategoria di “Teatro”. Premio Cola Debrot 2020 ta otorgá na sra. Laura Quast pa su esfuersonan grandi brindá riba tereno di Teatro.

A hasi entrega di e Premio Cola Debrot na sra. Laura Quast e aña akí komo ku pa motibu di Covid-19 aña pasá e entrega no tabata posibel.

Premio

E entrega a bai den un esfera ameno i responsabel kaminda Promé Minister sr. Eugene Ruggenaath a entregá na sra. Laura Quast e boton di oro representando e flor di larahá i Minister di Enseñansa, Siensia, Kultura i Deporte sr. Steven Croes a entregá e “oorkonde” korespondiente. Premio Cola Debrot ta konsistí di un boton di oro representando e flor di larahá, un sertifikado i un suma. E proposishon pa otorgá Premio Cola Debrot ta den man di keda Konseho Kultural Kòrsou ku tur aña di nobo ta instituí un komishon independiente pa skohe e ganador di e prestigioso premio. Pa e aña



2021 no a logra nominá un ganadó riba tereno di literatura pa motibu di sirkunstanshanan di COVID-19 i “lockdown”.

Gobièrnu di Kòrsou ta felisitá sra. Laura Quast pa

kere den Kòrsou, den positivismo i un konstrukshon sano di nos pais kaminda ta yuda i guia un gran parti di nos komunidat pa ekspresá nan mes pa medio di Teatro. Ekspreshon den su generali-

dat i ekspreshon artístiko ta importante pa desaroyo di e komunidat den su totalidat. P’esei Gobièrnu di Kòrsou ta yama danki alabes na Konseho Kultural Kòrsou pa un tremendo trabou.

Kòrsou i Hulanda a yega na palabrashon pa sigui ku ehekushon

WILLEMSTAD – Riba djabièrnè 30 di aprel, Kòrsou i Hulanda a yega na un akuerdo pa loke ta trata kontenido i metanan konkreto di e dos agènda di ehekushon, den kuadro di reforma i desaroyo duradero di pais. Di e forma akí un paso importante mas a keda tumá den e direkshon pa ehekutá reformanan nesario enfoká riba reforsá estado di derecho di Kòrsou i drecha e.o. su maneho finansiero,

sosial-ekonómiko, di impuesto, di kuido, i den enseñansa. Durante un enkuentro virtual ku entre otro Promé Minister Rhuggenaath i Sekretario di Estado Knops, formalisashon di e di dos agènda di ehekushon a keda hasí.

E di dos agènda di ehekushon ta enserá kontinuashon di e diferente aktividat- i proyektonan ku ta bini dilanti den e promé agènda di ehekushon, ku

ta kontribuí na desaroyo di un ekonomia i komunidat ku ta mas resistente i resiliente. Es desir, un ekonomia i komunidat ku ta mas mihó kapas pa atendé ku krísis, oportunidatnan nobo, i perspektiva pa siudadano i empresanan. A base di e eksperensia ku a krea ehekutando e promé agènda di ehekushon pa e promé kuartal di 2021, a hasi e adaptashonnan nesario i a determiná e

akshon i proseduranan di trabou nobo i òf adishonal pa e siguiente kuartal. E mésun proseso akí lo tuma lugá kada kuartal, kaminda kontinuamente lo relatá esaki ku tomo di desishon di Konseho di Minister di Reino tokante mas sosten pa likides den kuadro di e krísis di COVID-19.

Promé Minister Rhuggenaath ta satisfecho ku e proseso ku Kòrsou i Hulanda a bin ta kana te ku

awor. Awor mas ku nunca ta importante pa sigui dal pasonan firme i konkreto den ehekushon di e pakete di reforma di mas aña (‘landspakket’) ku ta esensial pa por surpasá e krísis sosial-ekonómiko ku Kòrsou ta aden i krea perspektiva pa kresementu duradero. Continuashon ku implementashon di e di dos agènda di ehekushon akí sin mas ta un paso importante pa logra esaki.

Awor por hasi denunsia via di E-Form

WILLEMSTAD-- Kuerpo Polisial ta sigui perfekshoná su proseso di hasi denunsia dor di hasi bida di esun ku ya lamentablemente a bira víktima di un echo kastigabel òf esun ku a tuma nota di esaki, mas fásil. Awor denunsiantenan di sea ladronisia, kiebro, destrukshon, menasa, mal-

trato òf violensia, por subi e wèpsait (www.polis.cw) i yena tur informashon di nan denunsia ofisial kompletu.

Si te ku e momentunan aki, un persona ta manda su deklarashon ‘online’ i polis mester traha e denunsia, aworakí mes por yena tur detaye a base di e pre-

guntanan riba e formulario digital i agregá eventualmente potrèt òf video di e suseso.

Ora subi e wèpsait, ta klek riba Hasi denunsia i despues ta klek riba e balki blou te abou riba e página. Inmediatamente e E-Form ta habri, di manera ku bo por kuminsá yena e infor-

mashonnan ku ta wòrdu pidí. Di e manera aki ta risibí tur informashon ku polis mester, sin ku mester keda yama, pa risibí informashon adishonal pa konkluí e denunsia.

Ta importante si, pa kontesta e preguntanan riba e E-Form mas kompletu posibel. Esaki ta aselerá e

proseso pa prosesá e denunsia i investigá e kaso. Outomátikamente e informashon ku yena den e E-Form, ta drenta digital na e warda di polis konserní, kaminda e ta keda prosesá. Seguidamente lo b un yamada telefónico òf mail pa asina pasa firma bo denunsia.

Rekordando 45 año Extra

Extra su ofisina na Boneiru tabata promé na kas di Bòl Antoin. Despues Extra a hùr ofisina na tres diferente lokalidat, pa despues bai su mes edifisio. E promé ofisina di Extra tabata den un edifisio situá den kurá di famia Soliana. Nos tabata atendé pa loka ta trata pago di hùr pa e edifisio aki ku Arnelia Abbas Kalof-Soliana, tata di Monchin. Arnelia a yega edat haltu. A selebrá su 100 año di edat.

E ofisina ei di Extra tabata dushi i sentral. Nos tabatin bishitantenan fast, manera Hector Daal (Maní), Dufi Martijn, Nene Provence, Chin Ridderstaat, Siegfried (Bas Dashi) Pourier, Broertje Janga, Hubert (Tíbirí) Agostien i Benjamin (De Maan) Nicolaas.

Un otro besina di edat haltu di Extra na e sitio ei tabata Dolores (Dodo) Booi. Un persona amabel ku tabata gusta kom-

bersá. Frank Ustacia i Ramona (Baby) tambe tabata nos besina, bibando den e mesun kas.

E tereno pariba di e edifisio aki tabata yena kompletamente



ku awa durante yobida, esta for di kasnan di famia Chatlein i De Geus te na Kerkweg, ku despues a bira Kaya L.D. Gerharts. Tabatin un bia ku awa a kai asina duru ku nos a keda un par di dia sin por a yega ofisina.

Hopi luna e área ei a keda bou di awa.

Un dia nos a deskubrí un hòmer di edat ku a kai tabata chambuká den lodo pariba di nos ofisina i e no por a sali. Chin Ridderstaat, Ludovico i Papi a

bai yud'é. Bòl a saka portrèt. Pasobra esaki tambe tabata notisia. Don Chin, manera nos sa yam'é, a karga e hòmer riba su lomba trese den seku, manera por mira riba foto.



Programanan di Bonaire.tv TELBO kanal 70 Flamingo TV kanal 23

Djasabra 8 mei 2021

12.00 Herensia: Madonna Stephens
13.00 AkíBoneiru: Onnie Emerenciana
14.30 Herensia: Domingo Hermando Martis
15.30 Programa Spesial: Nos Zjilea Digital
16.00 Herensia: Crisma Henriquez
17.00 AkíBoneiru spesial di Covid:
Edison Rijna i Danny Rojer (2020)
18.00 Herensia: Hugo Gerharts #1 (Miami)
19.00 BAPA: Amado Vrieswijk
20.00 Herensia: Sur Magda Crestian
21.00 AkíBoneiru: Adriaan "Hacker" Arends
22.00 Herensia: Jules Eisden
23.00 BAPA: Ester Frans-Solognier

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

Djadumingu 9 mei 2021

12.00 Herensia: Pablo Leon (Doei) Felida
13.00 AkíBoneiru: Spesial Dia di Mama
14.00 Herensia: Fabiana van der Singel-Ellis
15.30 Puerto Latino: Luis Zárraga
16.00 Herensia: Madonna Stephens
17.00 AkíBoneiru: Onnie Emerenciana
18.30 Herensia: Domingo Hermando Martis
19.30 Programa Spesial: Nos Zjilea Digital
20.00 Herensia: Crisma Henriquez
21.00 AkíBoneiru spesial di Covid:
Edison Rijna i Danny Rojer (2020)
22.00 Herensia: Hugo Gerharts #1 (Miami)
23.00 BAPA: Amado Vrieswijk



MONCHI & TONCHI

Tonchi, awor si nos por biaha trankil, pasobra tin wifi riba KLM.

Awèl sí. Nos ta 'snapshot' for di ora nos subi avion te ora nos yega Holland.



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482
E-mail:
extrabon@gmail.com
Wèpsait:
www.extraboneiru.com

Direktor
Shirley Martis
785-3824
796-3824

Hefe di redakshon
Bòl Antoin
786-6818

Redakshon
Ludovico Nicolaas
Davienuska Janga
Velli Gijsbertha
Ibi Piar (deporte)

Partner na Aruba
Awe Mainta

Layout
Josella Martinez

Aviso
avisobon@gmail.com

Pronóstiko di tempu pa Boneiru

Djasabra
8 mei 2021



Ta okashonalmente nublá i tantu awe komo mañan tin chens pa algun áwaseru, mañan tin ademas chens pa mal tempu. E temperatura máksimo lo ta aproksimadamente 31°C, e temperatura mínimo mas o ménos 25°C. E bientu ost ta moderá, aproksimadamente 4 Bft.

Altura di ola: 1.0-1.5 m (3-5 pia)

* Altura di ola válido pa laman grandi

For di:

A RUBA NEWS

VOL. 4, No. 11

PUBLISHED BY THE LAGO OIL & TRANSPORT CO., LTD.

AUGUST 6, 1943

Kompilá pa Nadya Tromp



Bokseadónan ta tuma Sport Park over

E komishon Organiza-
dor di bokseo a presentá
tres anochi di bòkseo na
Lago Sport Park.


Pelega di eliminashon
den e diferente klasenan
a tuma lugá riba 11 di
dezèmber, ku un fantatika-
da di mas ku 2000 persona

ku a bin apoyá nan favorito,
a yena e parke tur e tres
anochinan.

Miembronan di e ko-
mishon di bòkseo di Lago
Sport Park tabata Mateo
Reyes, Kenneth Johnstone,
Stanley Smith i Aquilles R.
Leon.



Marinirnan a derotá USS Muliphen



Marinirnan di Savaneta resientemente a derotá USS Muliphen den un wega di basketbòl hungá na LagMarinirnan, Lago Sport Park.. o Sport Park..


Fiesta di Lago pa empleadonan di gobièrno

Lago su fiesta anual di Pasku pa empleadonan di gobièrnu a tuma lugá na Aruba Caribbean Hotel riba 18 di dezèmber. Mas ku 500 empleado di gobièrnu, ken- denan durante di e kurso di aña tabatin kontakto ku kli- enten di Lago, tabata pre- sente na e fiesta.

E punto mas impor-

tante di e anochi tabata e presentashon di diesseis makutu di kuminda na e gandónan.

Gezaghebber O. S. Hen- riquez a ekspresá saludo di Pasku na nòmber di gobièr- nu. Oradornan pa parti di Lago tabata presidente W. A. Murray i vise-presidente R. E. Nystrom.



Festividadan konmemorando di dies aniversario di Statüt di Reino



Festividadan konmemorando di dies aniversario di Statüt di Reino tabata inklui seremonianan speshal na e estatua di prensès Wilhelmina na Wilhelmina Park riba 15 di dezèmber. Oradornan pa e okashon aki tabata Gezaghebber Interino I.S. De Cuba i J. Erasmus, miembro di Staten, miéntras N.A. Piña tabata maestro di seremonia pa e okashon. Representantenan di diferente organisashon, inkluyendo Lago, a pone bukèt na e estatua.



161

Djasabra 8 mei 2021

BONERIANO

Bonerianonan ku a muri den akshon di guerra

KRALENDIJK – Tur aña dia 4 di mei ta duna homenahe póstumo na personanan di e islanan hulandes den Karibe ku a pèrdè nan bida den akshonnan di Segundo Guera Mundial. Mayoria a peresé na bordo di tènkernan di Lago Oil & Transport Ltd., CSM (tènkernan di Shell) i KSNM. BONERIANO ta publiká awe un lista di e bonerianonan ku tin riba e plakat na e monumento di guerra na pia di Waf Chico Mercelina. Ken nan tabata? Kon nan a muri?

MORTONAN DI GUERA	di Barbados	Graf den laman	Graf den laman	El a muri na momentu ku e supmarino aleman U-156 a torpediá su barku riba anker pegá ku San Nicolas, Aruba
KNSM: <i>Koninklijke Nederlandse Stoomboot-maatschappij</i>				Graf den laman
Humiliano Paulino BERNABELA Nabegante, s.s. Amazone, Koninklijke Nederlandsche Stoomboot Maatschappij (KNSM)	Johan Marco JOSEFA Steward, s.s. Poseidon, Koninklijke Nederlandsche Stoomboot Maatschappij (KNSM)	Bonaire, 7 di òktober 1896 Oséano Atlántiko, 28 di mei 1942 El a muri na momentu ku e supmarino aleman U-155 a torpediá su barku nortost di Barbados	Luis Nicolas EMERENCIANA Quartermaster, tènker Oranjestad, Lago Shipping Co. (UK) Bonaire, 10 sèptèmber 1911 Laman Karibe, 16 di febrüari 1942 El a muri na momentu ku e supmarino aleman U-156 a torpediá su barku riba anker pegá ku San Nicolas, Aruba	Rafael Crispiniano MARCHENA Bosman, tènker Oranjestad, Lago Shipping Co. (UK) Bonaire, 25 di òktober 1897 Laman Karibe, 16 di febrüari 1942 El a muri na momentu ku e supmarino aleman U-156 a torpediá su barku riba anker pegá ku San Nicolas, Aruba
Bonaire, 22 di yüni 1922 Oséano Atlántiko, 6 di mei 1942 El a muri na momentu ku e supmarino aleman U-333 a torpediá su barku pegá ku Miami (USA)	Graf den laman	Graf den laman	Juan Domingo GOELOE Nabegante, tènker Oranjestad, Lago Shipping Co. (UK) Bonaire, 11 di febrüari 1888 Laman Karibe, 16 di febrüari 1942	Hose Bernardo MARTIJN Quartermaster, tènker Oranjestad,
Antonio Clemente Papa COFFI Fireman, s.s. Amazone, Koninklijke Nederlandsche Stoomboot Maatschappij (KNSM)	Juan Cancio COFFI Nabegante, s.s. Crijnsen, Koninklijke Nederlandsche Stoomboot Maatschappij (KNSM)	Bonaire, 20 di òktober 1916 Laman Karibe, 10 di yüni 1942 El a muri na momentu ku e supmarino aleman U-504 a torpediá su barku den ‘Yucatan Passage’, wèst di Jamaica.		
Bonaire, 23 di novèmber 1910 Oséano Atlántiko, 6 di mei 1942 El a muri na momentu ku e supmarino aleman U-333 a torpediá su barku pegá ku Miami (USA)	Antonio Francisco THODÉ Nabegante, s.s. Poseidon, Koninklijke Nederlandsche Stoomboot Maatschappij (KNSM)	Graf den laman		
Graf den laman	Bonaire, 13 di yüni 1909 Oséano Atlántiko, 28 di mei 1942 El a muri na momentu ku e supmarino aleman U-155 a torpediá su barku nortost di Barbados	Graf den laman		
Antonio Ignacio WINKLAAR Nabegante, s.s. Amazone, Koninklijke Nederlandsche Stoomboot Maatschappij (KNSM)	Stefanus THODÉ Nabegante, s.s. Clio, Koninklijke Nederlandsche Stoomboot Maatschappij (KNSM)	Bonaire, 2 di sèptèmber 1889 Colon (Panamá), 13 di yüli 1944		
Bonaire, 1 di febrüari 1915 Atlantic Ocean, 6 di mei 1942 El a muri na momentu ku e supmarino aleman U-333 a a torpediá su barku pegá ku Miami (USA)	El a muri despues di a sufri herida na bordo. A der'é na Colon. Despues a trasladá su restunan pa e santana hulandes di guerra na Loenen, Apeldoorn			
Graf den laman	***			
Nicolaas Alturve CLARINDA, Nabegante, s.s. Poseidon, Koninklijke Nederlandsche Stoomboot Maatschappij (KNSM)	LAGO OIL & TRANSPORT CO.	ROSARIA, William Fransisco Nabegante, tènker Pedernales, Lago Shipping Co. (UK)		
Bonaire, 3 di desèmber 1906 Oséano Atlántiko, 6 di mei 1942 El a muri na momentu ku e supmarino aleman U-155 a torpediá su barku nortost di Barbados		Bonaire, 10 di mart 1895 Laman Karibe, 16 di febrüari 1942 El a muri na momentu ku e supmarino aleman U-156 a torpediá su barku riba anker pegá ku San Nicolas, Aruba		
Graf den laman		Graf den laman		
Delfincio Gregorio JANGA Nabegante, s.s. Poseidon, Koninklijke Nederlandsche Stoomboot Maatschappij (KNSM)		Andres José de PALM Quartermaster, tènker Oranjestad, Lago Shipping Co. (UK)		
Bonaire, 24 di desèmber 1898 Oséano Atlántiko, 28 di mei 1942 El a muri na momentu ku e supmarino aleman U-155 a torpediá su barku nortost		Bonaire, 22 di mart 1899 Laman Karibe, 16 di febrüari 1942 El a muri na momentu ku e supmarino aleman U-156 a torpediá su barku riba anker pegá ku San Nicolas, Aruba		

Lago Shipping Co. (UK)
Bonaire, 2 di yùli 1908
Laman Karibe, 16 di febrüari 1942
El a muri na momentu ku e supmarino aleman U-156 a torpediá su barku riba anker pegá ku San Nicolas, Aruba
Graf den laman

Alberto Gregorio PIETER
Fireman, tènker Oranjestad, Lago Shipping Co. (UK)
Bonaire, 9 di mei 1912
Laman Karibe, 16 di febrüari 1942
El a muri na momentu ku e supmarino aleman U-156 a torpediá su barku riba anker pegá ku San Nicolas, Aruba
Graf den laman

Olivero Dominico MARTIJN
Quartermaster, tènker Tia Juana, Lago Shipping Co. (UK)
Bonaire, 4 di ougùstùs 1910
Laman Karibe, 16 di febrüari 1942
El a muri na momentu ku e supmarino aleman U-502 a torpediá su barku den Golfo di Venezuela
Graf den laman

Thomas Flavianus MARTIJN
Sailor, tènker Tia Juana, Lago Shipping Co. (UK)
Bonaire, 21 di desèmber 1902
Caribbean Sea, 16 February 1942
Laman Karibe, 16 di febrüari 1942
El a muri na momentu ku e supmarino aleman U-502 a torpediá su barku den Golfo di Venezuela
Graf den laman
Hendrik Natividad MARTIS
Quartermaster, tènker Tia Juana, Lago Shipping Co. (UK)

Bonaire, 8 di sèptèmber 1911
Laman Karibe, 16 di febrüari 1942
El a muri na momentu ku e supmarino aleman U-502 a torpediá su barku den Golfo di Venezuela
Graf den laman

Marco SERBERIE
Nabegante, tènker Tia Juana, Lago Shipping Co. (UK)
Bonaire, 25 di aprel 1905
Laman Karibe, 16 di febrüari 1942
El a muri na momentu ku e supmarino aleman U-502 a torpediá su barku den Golfo di Venezuela
Graf den laman

Luis Bertrando SCHERPTONG
Fireman, tènker San Nicolas, Lago Shipping Co. (UK)
Bonaire, 6 di sèptèmber 1919
Laman Karibe, 16 di febrüari 1942
El a muri na momentu ku e supmarino aleman U-502 a torpediá su barku den Golfo di Venezuela
Graf den laman

Claudio Benedicto CICILIA
Apprentice Steward, tènker Punta Gorda, Lago Shipping Co. (UK)
Bonaire, 30 di òktober 1928
Laman Karibe, 18 sèptèmber 1944
El a muri ora ku e tènker belga Ampetco II a dal den Punta Gorda pegá ku Cabo San Roman (Venezuela)
Graf den laman

Hubert de PALM
Fireman, tènker Punta Gorda, Lago Shipping Co. (UK)

Bonaire, 2 di novèmber 1919
El a muri ora ku e tènker belga Ampetco II a dal den Punta Gorda pegá ku Cabo San Roman (Venezuela)
Graf den laman

Dominco MARTIJN
Quartermaster, tènker Punta Gorda, Lago Shipping Co. (UK)
Bonaire, 19 di òktober 1917
Caribbean Sea, 18 September 1944
El a muri ora ku e tènker belga Ampetco II a dal den Punta Gorda pegá ku Cabo San Roman (Venezuela)
Graf den laman

CSM:
*Curacaosche Scheepvaart-
maatschappij*

Juan Alejandro HART
Nabegante, tènker Rosalia, Curaçaosche Scheepvaart Maatschappij (CSM)
Bonaire, 12 di yùni 1923
Laman Karibe, 27 di yùli 1943
El a muri na momentu ku e supmarino aleman U-615 a torpediá su barku sùit di Kòrsou
Derá den santana katólíko na Roodeweg, Kòrsou.

Pieter Baldemar TJIETJIE,
Fireman, tènker Rosalia, Curaçaosche Scheepvaart Maatschappij (CSM)
Bonaire, 18 di ougùstùs 1917
Laman Karibe, 27 di yùli 1943
El a muri na momentu ku e supmarino aleman U-615 a torpediá su barku sùit di Kòrsou
Graf den laman

OTRO INSIDENTE

John Luciano DORTALINA
Nabegante boto di torpedo MTB-34, Koninklijke Marine
Bonaire, 23 di mei 1922
Laman di Karibe, 4 di febrüari 1946
El a kai for di boto i hoga sùit di Aruba
Graf den laman.

Pedro Victor GOEDGEDRAG
Nabegante, s.s. Coamo, Atlantic Gulf & West Indies Steamship Lines (USA)
Bonaire, 31 di yanüari 1900
Oséano Atlántiko, 2 di desèmber 1942
El a muri na momentu ku e supmarino aleman U-604 a torpediá su barku
Graf den laman – El a risibí U.S. Mariner’s Medal

Abelario Cornelio MAKAAI
Sòldá, Schutterij
Bonaire, 31 di mart 1921
Aruba, 4 di yanüari 1942
El a muri den un tiramentu aksidental na Aruba

Derá den santana katólíko di Oranjestad. Na 2008 a trasladá su restunan pa e santana militar na Roodeweg, Kòrsou

Antonio Cerino WINKLAAR
Probablemente piskadó
Bonaire, 10 di mei 1925
Laman Karibe, fecha desconosí
El a bai piska i nunca mas a regresá
Graf desconosí, probablemente den laman

Maximiliano Reginaldo ANTHONY
Probablemente piskadó


Bonaire, 12 di febrüari 1922
Laman Karibe, fecha desconosí
El a bai piska i nunca mas a regresá
Graf desconosí, probablemente den laman

Lucas Evangelista BERNABELA
Sòldá, Schutterij Curaçao, Pasahero na bordo di barku di bela Irene
Bonaire, 18 di òktober 1920
Laman Karibe, 25 febrüari 1944
El a hoga durante un kolishon entre Irene e tènker Rosaura (CSM), pegá ku Caracasbaai, Kòrsou
Graf den laman

José Pilatus BOEKHOUDT
Kapitan, barku di bela Irene

Bonaire, 12 di òktober 1900
Laman Karibe, 25 febrüari 1944
El a hoga durante un kolishon entre Irene e tènker Rosaura (CSM), pegá ku Caracasbaai, Kòrsou
Graf den laman

Nicolaas Tholentino JANGA
Sivil, pasahero na bordo di di bela Irene
Bonaire, 10 di sèptèmber 1896
Caribbean Sea, 25 February 1944
Laman Karibe, 25 febrüari 1944
El a hoga durante un kolishon entre Irene e tènker Rosaura (CSM), pegá ku Caracasbaai, Kòrsou
Graf den laman





Auto Show 2021

For a limited time these fantastic autos will have **UP TO \$2,000 OFF!**
Now it's the time to come to **Dabboussi Motors** and get the car of your dreams



TIGUAN



TIGUAN



TIGUAN



TIGUAN



MD201 CARGO BOX



M401 CARGO



M401 11 SEATER



M201 7 SEATER



F70 4x4



ARE YOU BONAIRE'S BEST HANDYMAN?
GRAND PRIZE USD \$4000!

REGISTER BEFORE MAY 9TH
CLICK HERE

Pa mas detaye
di e folder di
Kooyman
subi riba
e wèpsait aki:

<http://www.caribbean-handymanchallenge.com/>

Kiebro den restorant

KRALENDIJK -- Entre
djárason 5 mei i djaweps 6
di mei deskonosinan a kibra
drenta den un restorant si-
tuá na Kaya Neerlandia i
a bai ku entre otro vários
bòter di alkohòl, karni, si-
garia, dos lèptòp i sèn kèsh.
E kaso ta bou di investi-
gashon.



Falki Aviation Bonaire



Leren vliegen begint bij ons. Je brevet halen in 3 maanden.!!